




И. О Г Р Ы З К О

53
761

**КОНЭСКЭ БУТЯКИРНА
РАШАЯ**

ОГИЗ - ГАИЗ

1933



ЦЭНТРАЛЬНО СОВЕТО ПИРО СОЮЗО
МАРИБНЫТКОНЭ БИДЭВЛЫТКАРЕНГИРО СССР

Цыг.
3-32

И. ОГРЫЗКО

КОНЭСКЭ БУТЯКИРНА РАШАЯ

Пирильджыя О. ПАНКОВА

Г.П.Б. в Лнгр.
Ц. 1933 г.
Акт № 745

ОГИЗО

ГОСУДАРСТВЕННО АНТИРЕЛИГИОЗНО ЛЫЛВАРИТКО ВЫМЭКЭИБЭ
МОСКВА — 1933

ИНВ. № 240

СО СЫ ЧИНДЛО:

1. Состыр амэ тховаса пучибэ: конэскэ бутякирна рашая	3
2. Сыр джидя духовенство жыко революцыя	8
3. Ваш конэскэ бутякирдэ рашая жыко революцыя	13
4. Прэ конэскири строно сыс рашая дрэ октябрьсконэ революциякирэ дывэса	22
5. Конэскэ помогискирдэ рашая дрэ граждансконэ ма-рибнаскирэ бэрша	26
6. Сыр отлыджянапэ рашая к индустриализацыя	32
7. Сыр рашая отлыджянапэ кэ колективизацыя	34
8. Соса камэн тэ запарувэн рашая культурно револю-цыя	43
9. Сыр отлыджянапэ рашая кэ ваврэ советсконэ вла-стякирэ мероприятия	51
10. Со кэрна рашая коли ваврэстронытка капиталистэ готовинэнэнапэ тэ пэрэн прэ бутитконэнгири строна	54
11. Карик тырдэна сектантэ	61
12. Чячэ ли со религиозность но мешынэ учястиёскэ дрэ соцыялистическо строительство	66
13. Со банго тэ зарипирэл патяибнытко бутитко	71

1. СОСТЫР АМЭ ТХОВАСА ПУЧИБЭ: КОНЭСКЭ БУТЯКИРНА РАШАЯ

Трэби ли тэ роскэдэспэ дрэ пучибэ: конэскэ бутякирна о рашая? Трэбимо ли адава пучибэ? Могискирла ли тэ явэл, со рашая служынэна только дэвлэскэ, христоскэ, масхарьякэ, свэнтонэ угодникэнгэ, архангелэнгэ тэ ваврэ болыбнытконэ владыкэнгэ? Могискирла ли тэ явэл, со ёнэ служынэна болыбнытконэ свэнтонэнгэ ваш адава, со лэнгэ локхыдыр тэ вымангэс миштыпэ болыбнастыр и тэ оттрадэс патяибнытконэндыр бэнгэнгирэ зорья? Могискирла тэ явэл, со ёнэ только про болыбэ и дыкхэна, кэ болыбэ васта газдэна, дывэсэнца тэ ратенца только ваш болыбэ и думинэна, а джиибэ прэ пхув лэн на залэла? Могискирла ли тэ явэл, со ёнэ камэна сыр екхэс сарэ манушэн, сыр дай камэла пэскирэ чявэн? Чячё ли адава? Чячё ли, со рашая служынэна только дэвлэскэ, палэ сарэндэ дукхала о ило лэндэ, дрэ пхувьякиро джиибэ на прилэна учястиё и дажэ на ками пиро пхув псирна?

Роскэдасапэ дрэ рэндо. Ваш адава подыкхаса, со кэрлапэ прэ адая само пхув.

Жыко Октябрьско революцыя дрэ 1917 бэрш дрэ Россия, сыр и дрэ ваврэ строны, хуласа-сыс тыкнинько кучкица эксплоататорэн — дармоедэн. Прэ капиталистэндэ бутякирдэ бутярья, прэ помещиикостэ тэ кулакостэ бутякирдэ писхарья тэ чёрорэ.

Бутярья 14 тэ 16 мардэ дрэ сутки бутякирдэ прэ заводоскирэ хуластэ. Пхари буты, бокх, шуткирды (чяхотка) тэ жандармэнгири чюпны — окэ со дыкхья бутяри. Пало адава капиталистэ пхэрдякирдэ тыкнорья сувнакаса, псирдэ дрэ пхара, опьенаспэ

дрогонэ бравинтэнца. Кхамлыпнастыр тэ бутяренгирэ ратэстыр сыс адава сувнакай.

Дро гав на сыс фэдыр. На ласа ужэ тэ ракирас вашэ крепостно право. Одой крестьянино сыс, со грай вашэ помещшикоскэ: камам — задава андрэ дрэ буты, камам — марава, а камам бикнава про тарго. Нэ и коли на ачья крепостно право уса екх крестьянэнгэ на кэрдяпэ локхыдыр. Лачи пхув помещшико пэскэ закэдыя, а налаци пхув бикиндя крестьянэнгэ дрэ трин молы дрогыдыр. Пэскири пхув крестьянэнгэ на ухтылдя. Трэби сыс тэ злэс растыр пхув. Осенякиро заплэскирдя аренда палэ пхув, дыкх, дрэ пиралы нанэ нисо. Кэ одова жэ прэ помещшикоскири пхув тэ дрэ вэш о ското крестьянско, и крестьянино гэраса на могискирдэ тэ тэрдён. На откинэсапэ. Васта чямудэ, мийштыпэна лыджя, и адава набут помогискирла. А о помещшико могискирла тэ кэрэл со — ками. Выджяла рай компанияса тэ джюклэнца осенякиро прэ охота на роскэдэла дром, ездинэ пиро крестьянско маро. А пхэн лав, поджяла рай прэ грэстэ тэ чюпняса адякэ ухтылла, со крестьяниностэ бэдэ зипуно распэрлапэ. И ни кон лэскэ лав пало адава на пхэнэла. Кагнит-конэстыр (уряднико) жыко тагари сарэ лэскиро васт рикирна.

Крестьянэ на екхвар газдынэпэ прэ помещшикэндэ. И кажно моло дрэ адалэ газдыбэна упрэ лынэ помещшикэ. Приурняна дворянска полки. Чясть крестьянэн пириублавэна, а остальнонэн инке бутыр лэна тэ тасавэн. Рэндо парудяпэ, коли ачья бутяритко класо. Кон попхурыдыр, одова шукир рипирла революцыя дрэ 1905 бэрш. Бутяритконэ класостэ отэнчя ужэ сыс пэскири большэвистско партия. Сама полэибнытка, сама англатунэ, сама революцыонна бутярья сыс дрэ адая партия. Бутяритко класо дрэ шэро большэвистсконэ партияса лыджия пал пэстэ миллионэ крэстьянэн дро марибэ помещшикэнца, капиталистэнца тэ лэнгирэ тагариса. Адалэстыр революцыя зоралэс змэкья пиро

эксплоататорско строё. Газдыбэ адава дро тысенцэ молы сыс зоралыдыр сарэ крестьянсконэ газдыбэндыр савэ сыс дрэ прогыпэн. Пхурано режимо затрещиндя. Нэ помещшикэнгэ тэ капиталистэнгэ уса жэ удыяпэ тэ затасавэс революцыя. Сама лаче революционерэ сыс сбичядэ дрэ Сибирь, кирнынэ дрэ старибэна, тысэнцэ сыс убладэ тэ роздынэ карье. Эксплоататорэ радындлэпэ победакэ. Нэ рада адая сыс на длэнго. Закалёно дро марибэ бутяритко класо дрэ шэро большэвистсконэ партияса твёрдэс лыджия бутитконэн крестьянэн прэ марибэ помещшикэнца тэ капиталистэнца. Тэлэ адава напоро дрэ Октябрё 1917 бэрш пыя бутбэршытко эксплуататорэнгири власть.

Чячё, адава дорэстяпэ на локхо. Тысэнцэ бутярен тэ революционнонэ крестьянэн сыс замэнчякирдэ дро старибэна, зачингирдэ сабленца, придынэ карье офицэрэнца тэ помещшикэнца. Эксплоататорэ полынэ, соса кхандэла бутяренгири тэ крестьянэнгири власть. Ёнэ джиндлэ, со прэ лэндэ тэ бутякирэл бутыр ни кон на лэла. Окэ пирдал со ёнэ рикирдэпэ пэлэ пэскирэ барвалыпэна, сыр рув палэ чёрдэ бакрятэ. Коли бутярья тэ крестьянэ тэлэ Ленинсконэ партиякиро лыджиябэн уса таки лэн зрадэ, отэнчя ёнэ скэдынэ парнэ армии и сарэ стронэндыр гынэ прэ советско власть. Нэ бутитка тэлэ бутяритконэ класоскиро лыджияибэ, дрэ шэро большэвистсконэ партияса, вантаса тэрдынэ пало адава, со сыс лыно Октябрёса. Розхачияпэ гражданско марибэ. Екхэ стронатыр помещшикэ, капиталистэ, кулаки, тагаритка чиновники дрэ союзо меньшэвикэнца, эсэрэнца тэ ваврэстронитконэ империалистэнца, а ваврятыр — бутитка массы тэлэ болшэвикэнгирэ партиякиро лыджияибэ. Парнэнгэ помогискирдэ загранична капиталистэ тэ помещшики. Лэндэ рэндо екх. Тэ дивисоспэ нанэ соскэ

Лолы армия сыс на шукир вооружонно. Чястэс на ухтылдэ карэдыня тэ патроны. Лолэармейцы сыс

на шукир уридэ тэ частэс бокхалэ. Прэ бутяренгири тэ крестьянэнгири армия гыя парны эксплоататорэнгири армия пулеметэнца, танкэнца, аэропланэнца тэ ядовитонэ газэнца Нэ кон жэ пиризорьякирдя?

Победискирдя бутяритко класо тэ крестьянство. Эксплоататорэ унашлэ дрэ ваврэ пхувья кэ капиталистэ.

Парнэ эмигрантэ на пириячена тэ зракирэнпэ ваврэстронытконэ буржуазияса ваш адава, собы тэ джяс марибнаса прэ Советско Россия. Пролетарско революцыя инке на пхэрдэс розмардя эксплоататорска класы, и ачяибэна лэнгирэ, савэ сы инке дрэ СССР, дужакирна — на додужакирнапэ, коли ваврэстронытко буржуазия пэрла прэ амаро Союзо. Нэ адалэ амарэ андралатунэ вороги адякэ жэ нанэ бэшлэ стходэ вастэнца. Ёнэ агитацыяса, вредительствоса камэн тэ зрискирэн сарэ комунистическонэ партиякирэ тэ советсконэ властякирэ мероприятия дрэ социалистическо строительство. Лэн нисо на тэдякирла. Ёнэ джяна про умарибэн. Ёнэ зорьякирнапэ тэ помогискирэн ваврэстронытконэ капиталистэнгэ тэ хаскирэн советско власть.

Дро гав социализмоскирэ строительствоса зоралэс марлапэ кулако. Кулако саро времё тырдыя палэ тагаристэ тэ капиталистическо строё. Адава сы полыно. Ёв адякэ жэ джиндя чюжонэ бутяса. Вэснакиро лэла чёরоро дрэ длуго лэстыр, пхэнаса, дэш пуды маро, а осенякиро лэскэ биш отдэ, а чёরорэскэ, дыкхэса нисо на ачьяпэ. Плуго, обмарибнытко (молотилка) дэла. Прэ састо вешшь збутякирлапэ, а ёв трин тутыр стырдэла. Чёরоро чёরьёла — кулако барвалёла. Крестьянэ джиндлэ сыр дрэвы дро вэш. Екх упрэ газдэлапэ, а вавир бикхамэскиро шутёла. Бэрш — дуй, дыкхэса, кулако и пхув чёরорэстыр откинэла, а кокоро дужакирла, коли чёরоро явэла дрэ писхарья тэ мангэлпэ. Тэ дужакирэс длэнго на пригыяпэ. Товаришшэ Ленино адякэ ракирдя вашэ кулакэнгэ: „Кулаки — сама зверска,

сама дика експлоататорэ. Адалэ ратопибнаскирэ бар-
валынэ прэ народно нужда“.

Сплошно колективизация подчинэла кулацка корни.
Дрэ колхозо, кай пхув, гавиткохулаибнытко инвен-
тарё тэ бутяритко ското обкхэтаниякирдэ, кулако тэ
выбарьёл на могискирла, Бутыр лэла одова, кон кэрла-
буты. Гарыдыр сыс на адякэ. Кулако тыкныдыр са-
рэндыр бутякирдя, а бутыдыр сарэндыр получискирдя,
пало адава со дрэ лэскирэ васта сыс пхув, средства
ваш производство и прэ лэстэ бутякирдэ ваврэ, —
чёрорэ, савэндэ на сыс грэн, пхув, инвентарё. Акана
писхарья, чёрорэ тэ середняки обкхэтаниякирнапэ дрэ
колхозэ и на домэкэна одорик кукакос. Ёнэ джяна
пиро адава дром пало одова, со адава сы екх дром
ко лачё джиибэн. Товаришшё Сталино ваш адава
пхэндя адякэ: „Колхозэнгиро дром пропатякирдо и
отиминякирдо сыр нэво рэндо, саво злэла крестьянэн-
дыр кулацко тасаибэ, чёрорипэ тэ калыпэ. Дрэ адава
амарэ достижэниенгири основа.“ Адалэ тов. Стали-
носкирэ лава дрэван шукир допхэрдякирна учидыр
прилыджынэ лава, савэ пхэндлэ сыс Владимиро Ильи-
чёса Лениноса. Сарэ дуй ёнэ яснэс тэ чёткэс ра-
кирна ваш одова, со кулако сы холямо ворого бу-
тяритконэнгиро тэ крестьянэнгиро.

Саво жэ вылыджяибэ могискираса тэ кэрас сарэ-
стыр, со сы пхэндло? А окэ саво вылыджяибэ: И
жыко революцыя и дро революцыонно времё сарэ
мануша розделиндлэпэ прэ дуй, лагери. Прэ екх
строга бутяритка, бутитка крестьянэ тэ сарэ ваврэ
бутитка, а прэ вавир — капиталистэ, помещшикэ,
кулакэ тэ ваврэ експлоататорэ. Сыр дуй ванты тэрдэ
екх против ваврэстэ адалэ вороги.

Машкир лэндэ шэла бэрша гыя марибэ на про-
джиибэ, а про мулыпэ. Адава марибэ сы и жыко
ададывэс сыр амэндэ, дрэ Советско Союзо, адякэ
и дрэ ваврэ строны. Амэндэ бывша помещшикэ, ка-
питалистэ тэ ликвидируемо кулачество марнапэ соцыа-

листическонэ строительствоса, собы тэ рискирэс палэ пэскэ эксплоататорско положэниё. Бутитка СССР тэлэ комунистическонэ партиякиро лыджяибэ дынэ рэшы- тельно отпоро адалэ соцыалистическонэ строительст- воскирэ ворогэнгэ. Класово марибэ ни прэ екх мэнта на пириячела тэ джял и пирдал адава социализмоскири победа сы обеспечено. Дрэ второ панджбэршытко дрэ СССР явэна пхэрдэс хаськирдэ сарэ капиталистическа элементэ тэ класэ.

Дрэ ваврэ строны власть сы инке дро васта ка- питалистэндэ. Одой джяла холямо марибэ палэ власть. Бутяритко класо тэлэ комунистическонэ партиякиро лыджяибэ марлапэ пало одова, собы тэ счюрдэс ка- питализмо. Капиталистэ пулёметэнгирэ, фашыстэнгирэ, мэньшэвикэнгирэ помошшыса камэн тэ затасавэн ре- волюцыя.

Адыкэ класово марибэ сы и амэндэ и дрэ ваврэ пхувья, дрэ разна формы и ангил разна условия.

Дрэ адава марибэ машкиралыпэ нанэ. Бутяритко- нэнца тэ бутитконэ крестьянствоса, а на так эксплоа- таторэнца. Дрэ страна ни кон на ачелапэ. Кажно мануш екхэ савэ тэ на яви строкакэ помогискирла.

Рашан тэ монахэн дрэ Россия сыс бутыдыр 200 ты- сэнцэ. Прэ конэскири жэ страна сыс ёнэ? Конэскиро васт ёнэ рикирдэ? Конэскэ ёнэ помогискирдэ и по- могискирна дрэ класово марибэ? Прэ адава пучибэ на ласа тэ ракирас екхатыр, а роскэдасапэ.

2. СЫР ДЖИНДЯ ДУХОВЕНСТВО ЖЫКО РЕВОЛЮЦИЯ

Жыко революцыя рашан тэ монахэн дрэ Россия сыс бутыдыр 200 тысэнцэ. Ангил крепостно право, коли тэ ростховэс ровнэс прэ кажнэ „духовнонэ дадэстэ“ приджяласпэ 7 крепостна. Выджялас адыкэ, со „ефта сохаса, а екх рояса. Пашыл адава кхан- гирья тэ монастыри рикирдэ и дрэван лаче пхувья.

Прэ адалэ кхангирьитка тэ монастырска пхувья и бутякирдэ крепостна. Дрэ екх только Троицэ-Сергиевско лавра тэлэ Москва бутякирдэ 106 тысэнцэ крепостна. Сыр жэ рашая тэ монахи обджянаспэ крепостнонэнца? Дрэ пхуранэ лыла ачъяпэ екх интэресно тагаритко указо. Окэ со одой чиндло: „Кхангирья тэ монастыри могискирна тэ марэн чюпнэнца и тэ рискирэн накха писхарьенгэ, савэ на ками бутякирна“. Адалэ лылэстыр дыкхло, со рашая тэ монахи на только мардэ жыко пашмулыпэ раненца тэ дэстэнца крестьянэн. Адава лэнгэ сыс набут. Сыс и адякэ, со рискирдэ накха. Дро накх-втховэнас нангло (крюко) и адякэ розрискирнас накх. Палсо-жэ? А пало адава, со “писхарья наками бутякирна“. Пало адава, со ёнэ на сарэ зорьендыр бутякирна прэ адалэ дармоедэндэ. И коли крепостно упрастандыя карик на яви дрэ вавир губерния, то монастырё пирдал полиция рискирдя палэ крепостнонэс. И адай ужэ попэрлас лэскэ инке бутыдыр. Васта спхандэнас палал. Пало спхандлэ васта припхандэнас шыло. Екх шылэскиро концо пиричюрдэнас пирдал балка и манушэс-ублавэнас прэ васта. Васта трупоскирэ пхарипнастыр вырисёнас дро псикэ. Адякэ сыс ангил крепостно право.

А коли тэ лэс кхангирья тэ монастыри ангил революцыя. Могискирла тэ явэл, со рашая тэ монахи чёринэ? Дро 1905 бэрш кхангирья тэ монастыри сыс хуланца прэ 2 миллионэ 611 тысэнцэ десятины пхув. Дрэ екх Александро-невско лавра сыс 25 тысэнцэ десятины пхув тэлэ само столица. Патрин сы адасави: прэ екх ди дрэ чёরоро-середняцко хулаибэ приджялас 1 1/2 десятины пхув, прэ екх ди дрэ кулацко ири — 10 десятины, а прэ каждонэ рашастэ тэ монахостэ дрэ среднё выджялас 13 десятины пхув. Адалэстыр дыкхло, со дада духовна обтрадынэ дажэ кулакэн.

Сарэ адалэ сыкаибэндыр сы дыкхло екх, рашая тэ монахи жыко революцыя сыс самонэ чячюнэ кулакэнца

тэ помешшикэнца. Только пиродлуго калы рясакрестьянино могискирдятэ роскэдэл: кай помешшикообыкновенно, а кай помешшико-кулако духовно. Счивряса и на догалёсапэ, кон рашай. Катыр жэ духовенство скэдыа адакицы пхув?

Пхув роздэнас лэнгэ тагарья тэ помешшикэ. Бутпхув скинэласпэ крестьянэндыр, савэ чёринэ.

Монастыри тэ кхангирья на сыс Жуланца только прэ пхувья. Дрэ революция монастырендыр откэдыно сыс екх заводэ 82, доходна кхэра — 1112, гостиницы — 704 тэ ад. дур. Валаамско монастырё дрэ Олонецко губерния сыс хуласа прэ известково, цыпитко, цэментно тэ кирпично заводэ. Прэ адалэ заводэ бутякирдэ жыко 6000 пашылатунэ гавэндыр крестьянэ. Бутякирдэ ивяа биловэнгиро, отбутякирдэ „собы тэ отмангэс грэхич“. Коли чёроро крестьянино со на яви помешшикоскэ на адякэ кэрдя—грэхо ачела лэскэ пало на шуныбэ. Дзя жаинэпэ, выкин бутяса пэскиро грэхо прэ монастырско заводу. Кхэрэ чяворэ бокхалэ, а одой почив кхамлыпнаса монастырска заводэ. Крестьяниноскири религиозность чюрдыа лэс дрэ эксплоататорска духовнонэ „дадэнгирэ“ васта. А, коли рашай или монахо псирла пашыл тутэ, стходя про пэр парнэ, груба васта тэ пэрэстыр э пхув на дыкхэла, адава пало грэхо на гиндяпэ. Адякэ дэвлэскэ трэби. Саро кэрлапэ пиродэскиро камаибэ.

На только заводэндыр, нэ и рэсаибнастыр мануша дэвлэскирэ скэдэнас натыкнэ ловэ. Дро 1917 бэрш, пало екх только бэрш лыа рэсаибнастыр Троице-Сергиевско лавра 529 тыс. 969 сас. Пхувьендыр, кхэрэндыр и заводэндыр ёй получискирдя 441 тыс. 659 сас. Саро прэ саро лавра лыа 1 миллионо 366 тыс. сас. пало екх бэрш. Екх процентэ пиродкапитало банкостыр дрэ 1917 бэрш лавра получискирдя 25 тыс. 775 сас. Набут сыс адасавэн капиталистэн, савэ бы могискирдэ тэ потырдэнпэ адалэ свэнтонэ обителяса.

Адай амэ лыам пхэрдо монастырё. Ласа отдель-

нонэ рашан уче саноса. Московско митрополито получискирдя 6 тыс. 750 сас. дрэ чён, Киевско — 7 тыс. сас, Петербургско — 21 тыс. 583 сас. а архиепископо Новгородско — 25 тыс. пашэса дрэ чён. Коли тэ ростховэс адалэ ловэ прэ дывэса, то выджяла, со новгородско пастырё каждо дывэс тходя дрэ пэскирэ тыкнорья 858 сас. Адава лэскиро “забутякирибэ” дро екх дывэс. Коли тэ подыкхэс про синодо, саво кхардяпэ „светейшонэса“, то лэстэ пашлэ сыс дро банко жыко революцыя 60 млн. састэ сувнакаса. Чячюнэс ли явэла, коли лэс кхардэ бы на светейшонэса, а барвалэса. Рашая дро гава бэшлэ сыс потэлыдыр и получискирдэ потыкныдыр, нэ ёнэ адякэ жэ на сыс обгынэ. Дрэ среднё прэ каждонэ рашастэ приджяласпэ 2 тыс. састэ дро бэрш.

Катыр жэ лэнаспэ адасавэ барвалыпэна рашандэ? А окэ катыр. Кофо заводэндыр, гостиницэндыр, тхудытконэ фермэндыр, сдэибнастыр дрэ аренда пхув. Кофо кхангирьятыр. На ивяя жэ ракирдяпэ: „Бияндёв, болпэ, жэнисов тэ мэр, а рашаскэ уса ловорэ подэ“. Кофо рэсаибнастыр каштунэ дэвлэнца, трушылорэнца, свэнтонэ паняса, момоленца. Ракирдэ адякэ: „Ададывэс момолы, атася момолы, а про трито дывэс и э постын псикэндыр.“

Баро кофо сыс мошшендыр, савэ ваш „нетленность“ чястэс кэрдэпэ шматэндыр, момостыр вататыр тэ стружкэндыр. Дрэ Киево — печерско лавра сыс адасаво случаяё. Екх мануш чёрьялэс монахэндыр заухтылдя наенца „свэнтонэскирэ“ мошши. Коли ёв выгыя прэ грэда, то /удыкхья пэстэ дро васт котэроро мом. Окэ тукэ и нетленна мошши. Дэвлыткомангипнарья пало шэла вэрсты явэнас, собы „исцэлениё“ тэ получискирэн. Почёрьял вавир мануш гробостыр шшепкица отрискирла, а на так прахицо „благодатно“ лэла набутка, о рашая тэ монахи ракирдэ лэскэ, со кирнэ кокалы или подкэрибэ вататыр могискирна лэскэ тэ помогискирэн дрэ бида.

А дро монастырска кружки бутитка гаспря пэрна тэ пэрна. Монахи қхинёнас тэ улыджян ловэ, тэ сыгыдыр тэ янэн жужэ (чиста) кружки. Гин-со кажно крестьяниноскири тэ бутярискири ири отдыа бутитка ловэ прэ адалэ трутнендэ.

Амэ дыкхьям, со рашая тэ монахи сыс на только помещикэнца тэ кулакэнца, нэ и капиталистэнца — заводчикэнца тэ кофарьенца. Нэ адава инке на саро. Рашая получискирдэ адякэ жэ жалование э казнатыр. Прэ примеро московсконэ митрополитоскэ плэскирдэ казнатыр 500 састэ дрэ чён. Адякэ, со станово приставо тэ рашай чярадэпэ кхэтанэ казённонэ корытостыр. Выджяла, со рашай сыс и эксплоататороса прэ пэскири пхув и капиталистоса — кофариса, тэ тагаритконэ чиновникоса. Трин эксплоататоры екхатыр сыс дрэ рашастэ.

Подыкхаса набутка, сыр гудлэс джиндлэ адалэ трижды эксплоататорэ. Коли инке жыко революция моя дрэван славно рашай Иоанно Кронштадтско, то лэстэ латхлэ дрэ чиныбнытко (письменно) скаминд дрэван бут 100 тэ 500 састытка. Дрэ шкафы латхлэ 150 пхарунэ гада, а дрэ подвалы 260 душля ваврэ стронытко куч бравинта. Кажнонэскэ полыно, со адалэ душля сыс тэрдэ на ваш адава, собы прэ лэндэ тэ мангэспэ дэвлэскэ. Нанэ пхаро тэ полэс, сыр джиндя свэнто дад. А окэ вавир сыкаибэ монахэнгирэ джиибнастыр. Черниговсконэ архиереёстэ сыс монахо Германно, саво сыс пхурыдырэса прэ архиереёскири канцелярия. Кэ адава монахо Германно притходэ дрэ писхарья чёрорэ — крестьянинос, кхардэ лэс Илья. Монахо адякэ мэнчякирдя адалэ крестьянинос, со ёв дыя дума ваш адава, собы тэ чинэс архиереёскэ жалоба. Окэ со чинэла крестьянино Илья ваш пэскирэ раскэмонахоскэ: „Састыр прэ мандэ уридя тэ мэнчякирдя ман... Сари рат проджялас дрэ одова, со подавас бравинта, а на так бэра... Коли проджялас хабэ, монахо пасёлас и припхэнэла мангэ салфеткаса матхьен

тэ оттрадав, а дрэ хачкирдэ дывэса фано пашыл лэстэ тэ ошылякирав, а на так сляды тэ о шэро тэ харував. И чячэ, галёв локхыдыр прэ каторга тэ дживэс". Прэ адава тыкнинько сыкаибэ дыкхло, конэскэ сыс каторга, а конэскэ раё прэ пхув.

Ангил революцыя сыс 110 тыс. монахи тэ 90 тыс. рашая, саро прэ саро 200 тыс. эксплотаторэн духовнонэндыр. Адава только „православна пастыри“. На адасаво сыр сарэндэ урибэ придыя лэнгэ адасаво жэ на сыр сарэндэ дыкхибэ, лэн кхардэ дэвлэскирэ бутяренца...

Ёнэ фрэнтэс причюрдэнаспэ смирнонэнца, на откхарнаспэ ни сыр кэ рэнды прэ пхув. Тэл адая маска гарадынэ холямэ помещшики, кулакэ скэмпаккофарья тэ тагаритка чиновники. Набут ракири сари адая духовно армия дрэ 200 000 мануша сыс эксплоататорсконэ класоскирэ чястяся.

Зарипираса шукаринькэс саро пхэндло. Адава помогискирла амэнгэ чячюнэс тэ роскэдэспэ дрэ амаро пхурано пучибэ. Ваш адава, собы фэдыр тэ полэс инке моло задаса адава пучибэ. Про конэскири строга сыс духовенство? Прэ помещшикэнгири, кулакэнгири, капиталистэнгири, тэ тагарискирэ чиновникэнгири строга или прэ бутяритконэнгири тэ чёрорэ — крестьянствоскири строга? Савьякэ адалэ стронэндыр ёнэ помогискирдэ дрэ лэнгиро на пририскирибнытко класово марибэ. Конэскиро васт ёнэ подрикирдэ?

3. ВАШ КОНЭСКЭ БУТЯКИРДЭ РАШАЯ ЖЫКО РЕВОЛЮЦИЯ

Ласа тэ ракирас инке моло пало крепостно право. Крепостна сыс бутяритконэ скотоса. Чють со на пошундлэпэ, лэн мардэ дэстэнца жыко, пашмулыпэ, отчиндлэ кана, накх, чиб, и чястэс додумискирдэпэ жыко одова, со джидэ манушэс тходэ пэрэса прокило. Крепостна мэнчякирдэпэ тэлэ крепостно пха-

рипэ, а рашая сыклякирдэ: „Крепостно право — дэвлэскиро утхойбэ“. Бут патяибнытка крепостна, коли шундлэ адасавэ лава, думискирдэ, „духовнонэ дадэске фэдыр тэ джинэл, со дэвлэскиро, а со на дэвлэскиро. Ласа тэ тырдас жыко мулыцэ, коли адава дэвлэскэ трэби, а пало адава, коли мэраса — мишто явэла дрэ раё“. А конэскэ адалэстыр сыс шукир? Конэскэ сыс кофо крестьянсконэ религиозностятыр? Только помещщикэнгэ тэ кокорэ рашангэ. Пало адава, со религия сыклякирдя тэ явэс смирнонэнца тэ покорнонэнца ангил эксплоататорэндэ. Религия сыклякирдя тэ явэс писхаренца. Вавир моло крестьянэ на вырикирнас и умарнас помещшикос. Чястэс ни савэ тагарискирэ чиновники на могискирдэ тэ отродэн смельчякос. Екхэгавитка на выдэнас пэскирэ товаришшёс. Отэнчя пало рэндо прилэласпэ рашай. Ёв прэ исповедь саро выгалёлас, а прэ атася приурняна чиновники и ухтылна одолэс, кон атася пригалыяпэ „прэ духо“. Полюно, кон выдэлас. Рашая дажэ присяга дынэ тагарискэ — тэ долыджяс начяльствоскэ вашэ сарэ „замыслы“ савэ явэна откэрдэ прэ исповедь. Тагари на ивья плэскирдя ловэ рашангэ. Нэ сыс на екхвар, со крепостна гадэнаспэ пхэрдэс губерниенца. Ёнэ дыкхлэ, со локхыдыр тэ мэрэс екхатыр дро марибэ помещшикэнца, соса тэ мэрэс насыг дрэ крепостно тасаибэ. Пашыл 250 бэрш палэ сыс бари крестьянско революцыя дро шэро Степаноса Разиноса. Бэрша 150 палэ сыс инке екх бари крестьянско-революцыя. Дро шэро адава движэниё сыс тэрдо Емельяно Пугачёво. Помещицья, дворянска полки дро рат ростасадэ сарэ дуй революцыи. И э надарипнытконэ Степаноскэ Разиноскэ и Пугачёвонэскэ дрэ Москва пиро тагарискиро припхэныбэ отчингирдэ васта, гэра и шэро. Сыр жэ духовенство отлыджияпэ кэ адава? Святейшо синодо благословиндя адава ратуно рэндо. На дыкхи прэ адава Степанос Разинос тэ Пугачёвонэс, одолэн, кон зашшитиндя обездоленно крестьянство, „свтейшо“

синодо придья кхангиритконэ проклятиёскэ. Прэ богослужэниё кажно моло роздыпэ адава проклятиё. Рашая тходэ дэвлэскирэ лавэстыр проклятиё прэ адалэ революционерэндэ, и адыкэ камлэ тэ урикирэн крестьянэн революцыятыр. Кокоро дэвэл, хабись, проклининэ революцыя.

А сыр отлыджинэпэ рашая кэ эксплоататорэ? Ласа кицы на яви сыкаибэна. Сыр сы джиндло, православно кхангири кэрдя пэскирэ харкунэ свэнтонэн — Лэн ачья жыко 361. Кон жэ усатаки попыя дро свэнта. Адарик попынэ 45 князи тэ княгини, попынэ тагарья, архиереи, игумены, помещшикэ. Крестьянэндыр попыя только екх, а бутяритконэндыр ни екхэс. Палсо жэ адава кэрдяпэ? А ваш одова, собы бутитка патяиб-нытка, коли мангнэпэ мулэ свэнтонэ помещшикоскэ, фэдыр гиндлэ джидэ помещшикэн тэ тагарен. Мануша ёнэ, хабись, нанэ адасавэ сыр амэ, на ададывэс — атася пиро родителенгирэ шпэры дрэ свэнта попэрна.

Ласа революцыя дро 1905 бэрш.

Ангил дрэ адая лылвари амэ ужэ ракирдям вашэ революцыя дро 1905 бэрш. Подыххаса инке моло кон конэса мардяпэ. Пошунаса, со ваш адава ракир-дя товаришшэ. Ленино: „Дрэ Россия дро 1905 бэрш тэлэ пролетариатоскиро лыджяибэ залыпэ народно газдыбэ, залыпэ марибэ тагаритконэ правитель-ствоса“. Дрэ вавир штэто Ленино ракирдя ваш адава инке бутыр сыкадя большэвикэнгири роль, савэ кхардэпэ отэнчя социал-демократэнца. Окэ лэскирэ-лава:

„Щэла революционна социал-демократэ „екхатыр“ выбаринэ дрэ тысэнцэ, ачлэ вожденца ваш дуй жыко трин миллионэ пролетариенгэ. Пролетарско марибэ выкхардя баро брожэниё, чястяся и революционно движэниё дрэ шэлтэпандждэшамиллионно крестьянско масса, крестьянско движэниё латхья откхарибэ дрэ армия и полыджыя кэ шынгалытко газдыбэ“.

Адалэ тов. Лениноскирэ лавэндыр дыкхло, со

пролетариато дрэ шэро большэвистсконэ партияса
лыджия пал пэстэ дрэван бут крестьянэн тэ шынга-
лэн. Окэ-кон гыя про марибэ. Конэса жэ ёнэ мардэпэ?
Учидыр дрэ Лениноскирэ лава дыно ответо: „Тага-
ритконэ правительствоса“. Нэ тов. Ленино дэла шу-
кир тэ полэл, со адасаво сы марибэ тагаритконэ
правительствоса. Ленино ракирдя: „Тагари сы шэрэ-
са машкир райканэ класо, барэ пхуврикирибнарен,
савэ ужэ тысэнцэнца тхавэнца спхандлэ барэ бур-
жуазияса, и савэ коли-ками тховэна пэскирэ зорья,
собы тэ оттырдякирэн пэскири монополия, привиле-
гии тэ кофы“.

Акана ваш амэнгэ дрэван полыно, кон конэса мар-
дяпэ. Бутяритко класо дрэ шэро большэвикэнгирэ
партияса тэ крестьянство тэло бутяритконэ класос-
киро лыджяибэ мардэпэ тагаритконэ правительствоса,
саво сыс помещшикэнгирэ тэ капиталистэнгирэ пра-
вительствоса.

Акана подыкхаса, со кэрдэ рашая, коли сыс адая
революцыя. Конэскэ ёнэ помогискирдэ дрэ марибэ?
Ласа пэrvонэ революцыякирэ шпэрэндур, сави залыя-
пэ дро Ленинградо (отэнчя инке дро Петербурго).
Жыко революцыя машкир бутярендэ зоралэс сыс бэш-
ло патяибэ дрэ болыбнытконэ тагаристэ тэ дрэ тага-
ристэ прэ пхув. Адава то и лыя пэскэ дрэ годы ра-
шай Гапоно. Ёв лыяпэ тэ отлыджял бутяритконэн
революционнэ дромэстыр, пирэ саво лыджинэ бу-
тяритконэн большэвики, и дрэ со помогискирдя
Гапоноскэ полыцыя. Гапоно уракирдя бутяритконэн тэ
джян дэвлэнца ко тагари, собы тэ вымангэн лэстыр
фэдыр джяибэ. И окэ дрэ воскресеньё 9 января
(пирэ пхуранэ стилё) бутяритка хоругвиенца, дэвлэнца-
тэ тагарискирэ патриненца гынэ ко тагарискиро двор-
цо тэ жалинэнпэ тагарискэ прэ капиталистэндэ, тэ
мангэн убарьякирибэ забутякирибэ, тэ мангэс, соб
пхув сыс пиридыны народоскэ собы тэ явэл полити-
ческо свобода и ад. дур. Бутярья дужакирдэ, со

„тагари-дадушко“ выджяла э дворцостыр поракирла лэнца, тэ отэнчя притасавэла пэскирэ чиновникэн тэ помешшикэн тэ уфэдырякирла бутитконэнгиро джиибэ. Нэ прэ плошшядь пашыл дворцо пиро тагарискиро припхэныбэ пиро адалэ бихолякирэ манушэндэ откэрдэ яг. Адасавэ розмарибэна сыс и дро ваврэ Петербургоскирэ штэты. Бутыр тысэнцостыр сыс умардо, бутыр дуй тысэнцэ ранено. Машкир умардэндэ тэ раненонэндэ бут сыс джювля тэ тыкнэ чяворэ. Казаки прэ грэндэ ухтэнас пиро умардэндэ тэ раненонэндэ, рострадынэ сабленца одолэн, кон сыс инке джидо. Окэ карик залыджия патяибнытконэн бутярэн рашай Гапоно, и окэ соса прилыя „тагари-дадушко“ бутярэн, савэ патяндынэ дрэ лэстэ. Большэвики самонэ начялостыр роскэрдэ гапоноскиро обхохаибэ. Большэвики ракирдэ, со на дэвлакунэ мангипнаса, а зоряса, вооружоннонэ марибнаса домарасапэ кэ лачё джиибэ. Бутэ бутяритконэндэ годы инкэ сыс гэнсто окрэнцындлы религиознонэ патяибнаса тэ патяибнаса дрэ тагаристэ. Только тагарискирэ пули сыкадэ, со большэвики ракирдэ чячэ.

Адава ратуно воскресеньё сыс сыкляибнаса вашэ бутярэнгэ, дрэван жэ вашэ религиознонэнгэ. Ёнэ полы-нэ, со ко тагари трэби тэ джяс на дэвлэнца, а э карэдыненца, и на рашанца, а революцыонэрэнца-большэвикэнца. Религиозныпэ только закэрдя якха, усы-кадя писхаритко смирённо дром. Палэ 9 январё революцыя розхачияпэ, сыр яг. Палэ бутярэндэ лынэ тэ газдэмпэ крестьянэ, шынгалэ, матросы. Со жэ кэрдэ рашая дрэ адава времё? Дро журналы, лылвари, проповеди ёнэ ракирдэ екх. Дрэ кхангиритко журнало „Кормчий“ дрэ номеро 33-то пало 1905 бэрш рашая чиндлэ адыкэ: „Мануша бутяритка! христианска сыклякирибнарья сыклякирдэ писхарьен: писхарья шунэн пэскирэ хулан“. Сыс вымэклы лылвари, сави кхардяпэ „Пэскиро рахх, прэ чюжо на задыкхпэ“. Полюно, карик тырдэла адая лылвари.

Бутяriskэ тэ чёrorэ крестьяниноскэ тэ раххэс нанэ со. Пало адава рашая ракирдэ лэскэ „прэ чюжо на задыкхпэ“. Адава ужэ бутыр полыно. На чилав помещшикос тэ капиталистос. Дрэ кхангири ракирдяпэ адава жэ. Одой гиндлэ евангилийэстыр: „явэнте покорна тэ смиренна, сыр бакря, камэн пэскирэ ворогэн, мангэнпэ пало одолэндэ, кон тумэн обидинэла, на холясон-коли змэкклэ тут пиро право чям и подтхов лево, саро дэвлэса утходо, ни екх бал, коли дэвэл на закамэла—на пэрла, на манушэса джиибэ залыджино, на манушэскэ лэс и тэ пирипарувэс. Заводэ капиталистостэ тэ отлэс—грэхо, пхув помещшикостэ тэ отлэс—грэхо, прэ тагаристэ васт тэ гэдэс—грэхо, пало одова, со тагари помазанико дэвлэскиро. Терпинэнте саро тумаро джиибэ, собы отэнчя, коли мэрна тэ попэрэс дро раё. Окэ со багандлэ рашая дро кхангирья. Бут патяибнытка бутярья тэ крестьянэ, савэ на роскэдынэпэ дрэ политика, шундлэ адалэ лава. Дыххэса и холы кэ фабриканто тэ помещшико мурдэла. Змэкэнапэ васта, билавэскиро бандёна думэ... Религия кэрдя пэскиро рэндо. Религиознонэ бутяритконэс локхыдыр сыс тэ тховэс прэ чянга ангил эксплоататоростэ, пало одова, со религия сыклякирла тэ явэс смирнонэса тэ покорнонэса. Нэ конэскэ адалэстыр кофо?

Чячё, бут бутярендыр на поддынэпэ прэ рашангирэ вэнды (удочки). Дрэван бут чюрдынэ кхангири тэ религия. Бут надари гынэ прэ мулыпнытко марибэ эксплоататорэнца. Отэнчя рашая прилынэпэ пало вавир рэндо. Поджиндлякирасапэ одолэса, со чиндлэ монахи дрэ Почяевско Лавра (дрэ Волинско губерния) дрэ пэскири газета „Почаевские известия“. Окэ со одой чиндло: „Пало последня трин дывэс убладэ 22 дэмократэ. Миштэс тэ шунэс и тэ гинэс, со адалэ подлонэ негодяен власти на тангискирна и урьена лэнгэ про мэня фэлы“. Нэ духовенство на только радындяпэ одолэскэ, со революционерэн убладэ. Ёв

кокоро оружыёса дро васта зашшитиндя помешшичье-капиталистическо строё. Адасаво случяё сус, кэ лав тэ пхэнэс, дрэ Москва, прэ Кудринско площшядь. На ивья сус сабнытко гилори:

Сыр дрэ Москва пэрвопрестольно
Прэ пхув пыя саро народо
Ангил кажно колокольня
Кай бутякирдя пулемето.

На фэдыр сус и дро гав. Рашая тэ монахи карэ-дынэнца дро васта зашшитиндлэ пэскирэ помешшичья, барвалыпэна, савэ ёнэ обкэдэнас вэкэнца революцы-оннонэ крестьянствостыр. Дрэ Курско губерния монахи дрэ „Глинско пустыня“ получискирдэ губернаторос-тыр карэдыня и стходэ пхэрдо вооружонно отрядо ваш марибэ крестьянэнца.

Адасавэ фактэ бут. Акана нанэ пхаро тэ пхэнэс прэ пучибэ: прэ конэскири строа сус тэрдэ рашая тэ монахи коли сус революцыя дро 1905 бэрш. Ёнэ евангилийёса тэ карэдыняса дро васта зашши-тиндлэ эксплоататорэн, помогискирдэ тэ затасавэн революцыя дрэ бутитконэнгиро рат.

Ласа инке екх окэ адасаво пучибэ. Рашая ракир-на „на умар“ Ёнэ бут шэла бэрша ракирдэ адава бутитконэнгэ ваш одова, собы капиталистэ тэ поме-шикэ могискирдэ спокойнэс тэ дживэн, на дари одова, со обчёрдэ лэнца бутитка гэдэнапэ прэ лэн-дэ оружыёса дро васта. Нэ эксплоататорэ саро времё лыджинэ марибэна пало пирикэрибэ миро, пало одо-ва, собы тэ лэс саро пэскэ, тэ обчёрэс колониальна народы, на зоралэ государства тэ бутитконэн на толь-ко пэскирэн и дрэ ваврэ строны. Акана ужэ сарэн-гэ шукир полыно, со марибэ дрэ 1914-1918 б. б. трэби сус только эксплоататорэнгэ. А тэ мэрэс прэ марибэ приджялас ваврэ класоскэ. Хасинэ прэ фрон-то бутяритка тэ крестьянэ, савэнгэ адава марибэ яндя только налачипэ. Собы ёнэ бутыдыр камаибнаса тэ мэрэн пало эксплоататорэнгирэ интэресы, лэнгэ замар-

дэ шэро, лэн дылнякирдэ дылынэ, парамысенца ваш одова, собы тэ зашшитинэс патяибэ тэ отечество. Фэдыр сарэстыр бутякирдэ адай рашая. Поджиндля-кирасапэ гиленца, савэ печяткирдэ тэ гиндлэ рашая дро 1914 бэрш прэ фронто тэ дрэ кхангирья:

На дарэн, пшала, дро марибэ ратуно
Прэ холямэ ворогостэ,
Лыи дро васта штыко
А дрэ илэ пэскирэ дэвлэс.
А конэскэ и джиибэ приджяла
Палэ отчизна тэ тховэс,
Одова про вэко зракхэлапэ
Дрэ дэвлэскиро царство лэла тэ дживэл.

Умар руско бутяри немецконэ бутярис ваш и русконэ и немецконэ капиталистэнгиро кофо. Пало адава тукэ явэла раё. Адыкэ жэ религияса задылня-кирдэ шынгалэн о рашая, и дрэ Францыя и дрэ сави-ками вавир стропа. Рашая ваврэ религиендыр благос-ловиндлэ прэ марибэ и дрэ адава марибэ пасинэ 10 млн. бутитконэн, а 20 млн. ачлэ инвалидэнца. Сыс прочи-до 4 млн. литрэ рат, ваврэ лавэнца тэ пхэнэс пхэр-до ратуно озеро. И адай религиозныпэ яндя фуипэ бутитконэнгэ. Ёй чюрдыя бутярен тэ крестьянэн раз-нонэ нацыендыр тэ вероисповеданиёстыр прэ пша-лоумарибэ. А карик жэ кэрдяпэ рашангиро „на умар“? Коли прэ марибэ екх бутитко умарла ваврэ бутитконэс ваш капиталистэнгиро кофо, отэнчя ра-шая ракирна „умар“, а коли бутитко гадэлапэ прэ капиталистэндэ отэнчя рашая ракирна „на умар“. Ада саво хохаибэ локхо тэ откэрэс, коли тэ угинэс, со рашая-сы придынэ эксплоататорэнгирэ зашшитни-ки.

Сарэ роскэдынэ адай сыкаибэндыр амэ могис-кираса тэ пхэнас окэ со. Пэрво: адава, со рэлигия бутитконэн на домэкья активно тэ прилэн учястие дрэ революция, спхандя лэнгирэ васта на дыкхлэ пэнтэнца. Второ: рашая тэ монахэ, пало адава, со

ёнэ и кокорэ сыс барвалюкэнца — эксплоататорэнца, сарэ дёстыр бутякирдэ капиталистэнгэ, кулакэнгэ тэ лэнгирэ тагарискэ.

Нэ гынэ бэрша. Бутяритка тэ бутитко крестьянство скэдынэ зорья ваш нэво сухтылыбэ дармодэнца-эксплоататорэнца. Пэрво ударо кэрдэ петроградска бутярья. Адалэ марибнастыр дрэ февралё 1917 бэрш пыя прэ пхув. тагарискири корона, урняндья тэлэ шэрэса и кокоро тагари. Нэ власть инке ачьяпэ буржуазиятэ тэ помэшшикэндэ. Только акана пэрво скрипка лынэ тэ кхэлэн на помешшикэ, а капиталистэ. Адалэстыр бутитконэнгэ локхыдыр на ачья, Керенсконэскиро правительство прэ рэндо сыс сыр и жыко адава эксплоататорэнгирэ властяса, только би-тагарискиро. Керенсконэскиро правительство на откэдыя капиталистэндэ ни екх заводу и ни екэ састоловэ, помешшикэндыр — ни екх десятина пхув. Марибэ империалистическо уса гыя. Прэ умарибэ традынэ нэвэ полки бутитконэндыр. Бутяритка тэ крестьянэ манглэ маро, миро, пхув, а лэнгэ сыр и жыко адава дынэ бокх тэ марибэ и помэшшикэ тэ капиталистэ сыс дрэ покоё. Кхангиритко — монастырска барвалыпэна вастэса на чиладэ, законоса рашая сыр и гара дылнякирдэ школьникэн. Дрэ августо 1917 бэрш откэрдяпэ Всеросийско кхангиритко соборо дрэ Москва. Кокоро Керенско выгыя адай приветствиёса. Рашая дро кхангирья манглэпэ пало временнэ правительствоскиро састыпэ. Екх васт мордя вавир.

Тэ ваврэс и на могискирдя тэ явэл. Странакирэ хуласа сыс одова жэ эксплотаторэнгиро класо. Только наружно страна парудяпэ. Временно правительство только прэ вздыкхибэ на выдыкхья адякэ сыр тагаритко правительство, нэ пэкло то сыс адасавэ жэ тьастостыр, Рашая сыго роскэдынэ дрэ со рэндо, удыхлэ, со тьастоскиро вкусо на парудяпэ. Пало адава бутяритко тэ крестьянэнгиро джиибэ ачья уса пхарыдыр тэ пхарыдыр. Дрэ Петроградо дрэ 3 июлэ бу-

тярѣя кѣрдѣ дѣмонстрацыя, манглѣ маро, миро тѣ собы
власть сыс пиридыны советѣнгѣ. Нѣ лѣн встрѣтиндлѣ
пулемѣтнонѣ ягаса. Адава розмарибѣ пхѣрдѣс роскѣр-
дѣ бутѣренгѣ контрреволюцыонно андралыпѣ Керен-
сконѣ правительствоскиро. Выгыибѣ сыс екх. Трѣби
сыс тѣ кѣрѣс инке екх пѣкаибѣн (ударо). Трѣби сыс
Октябрьско революцыя. Большѣвикѣнгири партия дрѣ
шѣро Лениноса шукаринькѣс пѣдготовиндяпѣ, и отѣн-
чѣ бидарипнаскиро лыджия бутѣрен, бутитко крес-
тьянство тѣ шынгалѣн ваш одова, собы пхѣрдѣс тѣ
хаскирѣс эксплоататорѣнгиро стрѣѣ.

4. ПРѣ КОНѣСКИРИ СТРОНА СЫС РАШАЯ ДРѣ ОКТЯБРЬСКОНѣ РЕВОЛЮЦЫЯКИРѣ ДЫВѣСА

Дрѣ Октябрѣ 1917 бѣрш, дрѣ 25 число тѣлѣ боль-
шѣвикѣнгиро лыджяибѣ бутѣрѣя, шынгалѣ тѣ матросы
карѣдыненца дро васта гынѣ дро тагаритко дворцо,
кай сыс временно правительство. Фѣнштрѣндыр тѣ
удѣрѣндыр пир лѣндѣ урняндынѣ пули, нѣ адава на
урикирдѣ революцыонерѣн. Дворцо марибнаса сыс
лыно. Керенсконѣскиро правительство сыс закѣдыно.
Кокоро Керенско упрѣстандыя палѣ граница. На екх
дывѣс и рат дро форо гыя мулыпнытко марибѣ маш-
кир бутитконѣ-революцыонерѣндѣ тѣ контрреволю-
цыонерѣндѣ-эксплоататорѣндѣ. Революцыякири яг пи-
ричюрдыяпѣ и дрѣ Москва, а уж отѣнчѣ обухтылдѣ
и сари Россия.

Революцыя сыр громо, змѣкѣя пѣскиро васт пирѣ
эксплоататорѣндѣ. Пѣскирѣ учѣ штѣтѣндыр ѣнѣ екха-
тыр поурняндынѣ тѣлѣ. Барвалыпѣна, савѣ чѣрдѣпѣ
шѣлѣ бѣршѣнца, сыс вырискирдо палѣ бутитконѣнца
скѣмпонѣ вастѣндыр. Заводѣ, фабрики, банкѣ сыс на-
цыонализикирдѣ. Газдынѣпѣ крестьянѣ. Ёнѣ дыкхлѣ,
со бутѣрѣя тѣлѣ большѣвикѣнгиро лыджяибѣ джяна
ангил и сыкавѣна лѣнгѣ чѣчюно дром. Бутѣрѣя сы-
кадѣ, сыр трѣби тѣ марѣспѣ эксплоататорѣнца. Бутѣ-

рья кэ одова жэ розрадэ сама зоралэ контрреволюцион-
на гнязды дрэ барэ форья. Советско власть лыя капи-
талистэндэр тэ помешшикэндэр сарэ лэнгирэ барвалы-
пэна. Гыи пирэ бутяренгирэ шпэры, крестьянэ откэды-
нэ помешшичья пхувья тэ усадьбы кхэтанэ кхэрэнца,
вычюрдынэ одотхыр атасятунэ ран. Бутяритко класо
лэскирэ саструнэ, боёвонэ революционнэ большэ-
викэнгирэ партияса сус лыджайбнариса тэ зашитни-
коса крестьянствоскэ, и крестьянство акана пало саро
времё разгиндяпэ пэскирэ вековечнэ ворогоса.
Окэ со ракирдя товаришшэ Ленино пирэ адава пучи-
бэ инке жыко революцыя: **Только гыи пало пролета-**
риато могискирна руска крестьянска массы тэ
счюрдэн пхарипэ, саво тасавэла лэн и хаськирла,
саво тходо прэ лэндэ крепостникэнца-пхуврикири-
бнарьэнца, крепостникэнца-самодержавцэнца“ Адалэ
лава сус пхэндлэ инке жыко революцыя. Революцыя
досыкадя, со товаришшэ Ленино ракирдя чячес. Амэ
дыкхаса, со адай Владимиро Ильичё кэ крестьянска
вороги отлыджяла на только пхуврикирибнарьен (по-
мешшикэн) тэ самодержавцэн (тагарен) нэ и э кре-
постникэн дро рясы — духовенство. Сыр амэ угалыям
гарыдыр, рэндо адякэ и сус.

Тэ дивисоспэ нанэ соскэ, со революцыя зачиладя
и адалэ эксплоататорэн дрэ рясы. Нэви пролетарско
власть откэдыя монастырендыр 84 заводэ, 436 фермы,
1112 доходна кхэра, 704 гостиницы. Дрэ монастырска
кхэра вгыя 1 млн. 680 тыс. бутяритконэн, крестьянэн
тэ сыкляибнытконэн. Крестьянэ получискирдэ советско-
нэ властятыр монастырска тэ кхангиритка пхувья.
Рашая тэ монахи ачлэ одолэ трутненца, савэн бырля
вычюрдэна ульёстыр и на камэн тэ чяравэн пэскирэ
бутяса.

Дрэ кхангирья тэ монастыри пролыджино сус мо-
шшенгиро вскэрибэ. Гробэндэр поурняндынэ: вата,
стружки, шматы тэ вавир „свэнто“ обхохаибэ. Бут
патяибнытка адай жэ отпхэндлэпэ религиятыр. Рашая

тэ монахи холясынэ сыр осы, коли чилавэса лэнгиро ядовито гняздо. Време ваш лэнгэ подгыя на мишто. Взрипираса акана ваш крестьяниноскэ Ильяскэ, саво псирдя пало монахостэ и чиндя ваш адава адякэ: Сари рат проджялас дрэ подыбэ бравинта лэскэ тэ бэра... А похай, монахо инке пасёлас и припхэнэлас мангэ салфеткаса матхьен тэ оттрадав, а дро хачкирдэ дывэса фано пашыл лэстэ тэ ошылякирав, а на так шпэры тэ о шэро тэ харувэс". Свэнта дада удыхлэ, со ангил бутитко власть ни кон на лэла лэнгэ фано тэ прошылякирэл тэ о сляды тэ харувэл.

Эксплоататорэ сарэ зорьенца зашшитиндлэ пэскири власть тэ барвалыпэна. Нэ и революционерэ джиндлэ, со ворогос нангэ вастэнца на лэса. Бутярэ тэ крестьянэ гынэ оружыёса дро васта. Милионэ газдынэпэ прэ эксплуататорэндэ. Пошунаса акана, со чинэла революционнэ народоскэ патриархо Тихоно:

Лэмпэ пало годы, бигодякирэ... Одова, со кэрна тумэ, сы бэнгано рэндо, пало саво тумэ джяна прэ яг геенско. Властяса, сави дыны амэнгэ дэвлэса, анафемакэ придава тумэн... А тумэ, пшала, на промэкэн ни екх мардо, кхарэнте тумарэ чявэн прэ зашшита... Кхарэнте дрэ духовнонэ борцэнгирэ ряды"... Окэ ваш со дья годла пастырё дро сари православно Русь. Тихоно сравнинэ революцыя бэнгэса, трашавэла анафэмаса. На удэлапэ ли рэлигиознонэ фэляса тэ затасавэс революцыя. Тихоностэ дрэ адава надея, галев набари. Ёв дурыдыр ракирла „пастыренгэ, собы тэ создэн „духовнонэ борцэнгирэ“ ряды. Ваврэ лавэнца контрреволюционна банды ваш марибэ революцыяса. Амэ ужэ дыкхьям, со сы пэстыр адасавэ „духовна борцы“. Ваш адава ухтылла тэ взрипирэс колокольни прэ кхангири „христа спасителя“ дрэ Москва, катыр рашая тэ юнкерэ дынэ карье пулемётэндыр пиро пролетариато, саво газдыапэ.

На дыкхи прэ контрреволюцыякиро марибэ, сави

псирдя дро рясы тэ бирясэнгиро, бутярья тэ бутитка крестьянэ тэлэ пропатякирдо комунистическонэ парти-якиро лыджяибэ победискирдя. Бутбэршытко экспло-ататорэнгири власть бутитка счюрдынэ пэскирэ пси-кэндыр. Мозолиста васта откэдынэ палэ сарэ барва-лыпэна, савэ шэлэ бэршэнца дорослэ адалэ васта. Эксплоататорэ сыс розмардэ. Ёнэ сыс зоралэс при-тасадэ кэ пхув бутитконэ властяса. Нэ ваш смирение ёнэ и на думискирдэ. Сыр притасадэ сапа ёнэ шыпин-длэ и дандырде адалэ паразиты. Бут дрэван барвалэ помещшикэ, капиталистэ, рашая пиритрашадыпнастыр прастандынэ палэ граница. Ваврэстронытка капита-листэ прилынэ лэн одой сыр пэскирэ сымэнца, савэ попынэпэ дрэ беда. Одой сарэ ёнэ сыго зракирдэпэ вашо екх рэндо. Ёнэ полынэ, со Советско власть, со Октябрьско революция — адава сы только начяло одолэ пожароскиро, саво банго тэ обухтылэл саро свэто. Окэ ёнэ и зракирдэпэ, собы кхэтанэ сарэ ка-питалистэнца, савэ бы нацыендыр ёнэ на сыс, тэ джяс и тэ затасавэс бутитконэнгири власть. Руска эксплоа-таторэ, савэ упрастандынэ палэ граница, и савэ ач-нэпэ прэ советско пхув, получискирдэ помошшь ме-ждународнонэ буржуазиятыр. И окэ дрэ 1918 бэрш сарэ стронэндыр прэ тэрны Советско власть лынэ тэ пэрэн французска, английска, американска, японска тэ ваврэ капиталистическа армии кхэтанэ русконэ парнэгвардэйцэнца. Сыр холямэ рува оттрадынэ добы-чятыр гынэ ёнэ, собы тэ впьеспэ пэскирэ дандэнца дрэ тэрно Совэтсконэ республикакиро трупю. Заграничнонэ вооружэниёса, тэлэ ваврэстронытконэ офицэрэнгири команда гынэ войска Деникиноскирэ, Врангелёскирэ, Юденичёскирэ, Колчякоскирэ тэ пансконэ Польшаки-рэ. Лолы армия только со сыс организовано. На сыс латэ отэнчя военно выправка, лачё вооружэниё. Чё-римэ тагаритконэ марибнастыр (война) страна на могискирдя шукир тэ урьявэл, шукир тэ чяравэл э армия. И окэ бутярья тэ крестьянэ чюрдынэ заводэ,

гава, ирья (семьи) и выгынэ, собы тэ оттэрдякирэн, одова, со сыс лыно Октябрьсконэ революцыяса. Сыр и дрэ кажно моло дро марибэна пало бутяритконэ класоскиро рэндо комунары сыс дрэ пэрва мариб-нытконэнгирэ ряды, сыс сыкаибнаса, отвагаса, дисциплинированостяса, класовонэ сознательностяса ёнэ узоралыкирдэ Лолэ армиякирэ ряды. Розхачияпэ гражданско марибэ. Пригыяпэ тэ лыджяс пхаро марибэ. Большэвикэнгири партия узоралыкирдя на только фронто, нэ адякэ жэ сыкадя барэ организацыонна способности. Кажно мануш, кажно карэдын тэ патроно сыс куч. Дэшуштарбэршытка чяворэ гынэ пиро пэскиро камайбэ тэ оттэрдякирэн пролетариатоскири диктатура. Бут тысэнцэ комсомольцэ хасинэ дро марибэна палэ бутяритко тэ бутитконэ крестьянство-скиро рэндо. Со жэ кэрдэ рашая тэ монахи? Лэн сыс амэ джинас 200 тысэнцэ. Конэскэ ёнэ помогискирдэ дрэ адава решытельно сухтылыбэ?

5. КОНЭСКЭ ПОМОГИСКИРДЭ РАШАЯ ДРЭ ГРАЖДАНСКОНЭ МАРИБНАСКИРЭ БЭРША

Парнэгвардейцэндэ сыс корпусна, дивизионна тэ полкова рашая. Ёнэ трушылэса дро васта подбодрискирдэ парнэ шэрочиныбнарен. Ёнэ притходэ сарэ пэскирэ зорья. Ко Врангелё рашай Востоково скэдыя „христоскиро пшалыкирибэ“ ваш марибэ Лолэ армияса. Одолэ жэ Врангелёстэ служындя митрополито Антонийё. Ёв лыяпэ тэ скэдэл „трушылытко похода“ прэ Москва. Ангил трушыла, а палал о пушки. Духовенство скэдыя добровольцэн дрэ парнэ армии, лыджия ракирибэ палэ парнэндэ, костя советско власть и сарэ зорьенца подлыджия религиякэ контрреволюцыонно буты. Ко Колчяко дрэван жэ подкэрдяпэ епископо Андреё. Ёв кэрдя контрреволюцыонна митинги, дрэван танго сыс спхандло контррозугалыбна-

са, кость Лолы армия, розмэкья бут хоханэ ракири-
бэна ваш Советско Союзо и адякэ дурыдыр.

Деникиностэ сарэ зорьятыр бутякирд митрополи-
то Платоно. Ёв скэдыя, сыр лэн кхардэ, „Иисусоски-
рэ полки“. Савэ адава адасавэ „дэвлакунэ полки?“
Дрэ екх адасаво полко със 700 рашая тэ монахэ.
Дрэ пхэрдо урибэ, трушылэнца прэ колын тэ карэ-
дынэнца дрэ хор кысыка, гынэ ёнэ прэ бутяритка —
крестьянска отряды. Ёнэ думискирдэ, со Лолэ армей-
цы, удыххи свэнтонэ дадэн, розковлёна и карье тэ
дэн на лэна. А адай подурняна парнэгвардейцэ и
почингирна лэн сыр э шах (капуста). Окэ со адасаво
„Иисусоскирэ полки“. Прэ кыцы холямэс мардэпэ
рашая Лолэ армияса, дыкхло сы адалэ фактостыр,
саво роспхэнэла бывшо лолэармейцо Петро Рыбаково
Поджиндлякирасапэ лэскирэ лылэса дро газэта „Без-
божник“ Окэ со ёв чинэла: „Амаро батальоно (266
полкоскиро пиро Малышовонэскирэ) лав камья
бут молы тэ оганавэлпэ (окопаться) прэ рэка пало
адава, со пир амэндэ мардэ пулемётэндыр троицконэ
кхангирьятыр (гав Боровки Ишымско уезде), амэ са-
мас дрэ ангрусты. Амэ сыго догалыямпэ, со карье дэна
колокольнятыр. Кой - савэ лолэармейцэ на патяндынэ,
лэна ли свэнтонэ колокольнятыр тэ дэн карье. Кэ кхан-
гири подгьям марибнаса. Кой — кон амарэндыр със
умардо. Нэ амэ уса жэ докэдыямпэ жыко колокольня.
И окэ патрин: прэ пхураны колокольня пало екх пу-
лемёто бэшло със офицэро, а пало вавир със бэшло
кокоро дадо кхангиритконэ старостаса. Залыапэ ма-
рибэ. Дадо лыя тэ марэл дрэ явлэ лолэармейцэндэ
карэдынятыр, а офицэро кхангиритконэ старостаса —
японсконэ карабиностыр. Саро адава чинэла мануш,
саво кокоро със дрэ адава. Адалэ роспхэныбнастыр
амэ инке моло дыкхаса, конэскэ помогискирдэ рашая
дрэ граждансконэ марибнаскирэ бэрша. Рашай тэ кол-
чяковско офицэро пулемётэнца прэ екх колокольня.

Русконэ помещшикэнгэ, капиталистэнгэ тэ кула-

кэнгэ помогискирдэ на только лэнгирэ ваврэ стронытка други — капиталистэ, нэ и дрэван бари калэрысэнгири армия. И уса жэ упрэ лыя Лолы армия. На помогискирдэ ни пушки, ни рашая. Состыр жэ победискирдя одоя строна, сави прэ пэрво вздыкхибэ сыкадыя бутыдыр тыкнэзорьитконаса. А пало адава, со Лолы армия-адава миллионэ бутярен тэ крестьянэн, савэндэ сыс адасаво лыджяибнари, сыр комунистическо партия, савэ джиндлэ шукир, конэс ёнэ марна, палсо марна, и палсо кокорэ джяна про мэрибэ. Ёнэ джиндлэ, со марнапэ палэ бахт бутитконэнгири, палэ свобода эксплоататорсконэ тасаибнастыр.

Пашыл адава, коли ваврэстронытка капиталистэ помогискирдэ парнэнгэ, то загранична бутяритка подрикирдэ лолэн. Ваврэстронытка бутярья отпхэндлэпэ тэ марэнпэ лолэнца, а вавир моло даже и умардэ пэскирэ офицэрэн. Французска моряки отпхэндлэпэ тэ дэн карье пиро советсконэ морякэндэ дрэ Кало морё. Загранично буржуазия дарандыя, собы лакирэ бутярья на кэрдэ революцыонно ґаздыбэ. Бутяритка дрэ сарэ строны отлыджинэпэ камаибанаса кэ советско власть. Ваврэстронытка бутярья отпхэндлэпэ тэ грузинэн и тэ пирилыджян военна снаряжэнии вашэ армии. Бутыдыр одолэстыр, дрэ Лолы армия сыс полки (интернациональна чясти) скэдынэ ваврэстронытконэ бутитконэндыр (бывшонэ военнопленнонэндыр дрэ империалистическо марибэ). Адыкэ со парнэндэ сыс ваврэ стронытка капиталистэ, а лолэндэ-ваврэстронытка бутярья. Класо гыя про класо. Сарэсвэтытко пролетариато мардяпэ сарэсвэтытконэ эксплоататорэнца. Окэ дрэ со инке сыс амари зор.

Дрэ гражданско марибэ победискирдэ бутитка. Советско пхув ожужакирдяпэ (очистиндяпэ) парнэгвардейцэндыр. Чясть парнэгвардейцэн, савэ ачнэпэ, загарадынэ андрал советско строна, ваврэ упрестандынэ палэ граница. Одой ёнэ саро времё готовиндлэпэ кэ адава,

собы тэ кэрэс прэ амэндэ пэрибэ. Бутитконэнгэ авья пиро тов. Лениноскирэ лава „пиридышка“. Адая пиридышка бутяритка тэ бутитко крестьянство използэнэна ваш соцыалистическо строительство.

Товаришшэ Ленино и дрэ адава пучибэ усыкадя дром. Ёв ракирдя со „только отэнчя, коли страна явэла электрифицировано, коли тэлэ промышленныпэ, гавитко хулаибэ тэ транспото явэла подлыджины техническо база дадывэсатуны крупно промышленныпэ — только отэнчя амэ победискираса пхэрдэс“.

Дрэ 1930 бэрш прэ XVI комунистическонэ партиякиро съездо товаришшэ Сталино, гыи пиро Лениноскиро дром усыкадя, со советско страна пало 10 бэрш банги „тэ дотрадэл и тэ пиритрадэл англатунэ капиталистическа страны дрэ технико-экономическо отношэниё“. Адава ракирла пало одова, со на поздныдыр, сыр дрэ 1939 бэрш; амэ бангэ тэ дотрадас даже Америка.

А пролыджянапэ ли дрэ джиибэ усыкаибэна т. т. Лениноскирэ тэ Сталиноскирэ. Аи, ёнэ пролыджянапэ дро джиибэ и пролыджянапэ дрэван шукир.

XVII партконференцыя подлыджии подгиныбэн пэrvонэ панджбэршытконэ планоскэ, могискирдя ужэ тэ пхэнэл: „Амари пхари промышленность тходы шукир про гэра, пирдал со амэндэ исы акана пэскири база ваш пхэрдо выкэрибэ реконструкцыя дрэ саро народно хулаибэ, исы база пиро соцыалистическо крупно машинно индустрия“. Ваш второ панджэбэршытко дрэ конференцыякири резолюцыя пхэндло: „XVII конферэнцыя ВКП(б) гинэла, со основнонэ тэ решаюшшенэ задэибнаса дрэ второ панджебэршытко сы реконструкциякиро завершэниё дрэ саро народно хулаибэ, создыбэ нэви техническо база ваш сарэ отрасли пиро народно хулаибэ. Лыджяибнытко роль дрэ техническонэ реконструкциякиро завершэниё сы дро васта советсконэ машиностроениёскирэ.

Адалэ конфэренцыякирэ решэнии ракирна ваш одо-

ва, со комунистическо партия тэ советско власть твѣрдэс джяна пиром дром, саво усыкадо амарэ вожденца, товаришшенца Лениноса тэ Сталиноса. „СССР дрэ второ панджебэршытко выджяла прэ пэрво штэ-то дрэ Европа дрэ тэхническо отношэниѣ“. (XVII партконференциякирэ резолюцыятыр). Кэ пхэндло прилыджяса кой савэ цыфры.

Дрэ 1931 бэрш советско промышленность вымэкья продукция дрэ дуй пашэса молы бутыр, соса дрэ 1913 бэрш. Дрэ 1931 бэрш только пало екх бэрш мэклэ электрическа станции дро 5 молы бутыр одолэстыр, кицы сис саро прэ саро электрическа станции дрэ 1913 бэрш. Кэ конце второ панджебэршытко электро-энергия лэна тэ выбутякирэн дрэ шов молы бутыр, соса дрэ 1932 бэрш. Вангар тэ нефть кэ конце второ панджбэршытко лэла тэ дорэсэлпэ дрэ $2\frac{1}{8}$ —3 молы бутыр, соса дрэ 1932 бэрш. Коли жыко революция Россия кокори машины тэ кэрэл на джиндя, а влуджия лэн ваврэ пхувьеныдыр, то ужэ дрэ 1932 бэрш дрэ СССРсы адасавэ заводэ, сыр заводу пхарэ машиностроениѣса прэ Урало — „Уралмашстрой“. Кэ конце второ панджебэршытко амэ бангэ тэ на влуджяс ни екх машина ваврэ стронэндыр. Адалэ машины амэ ласа тэ кэрас дрэ пэскири строга.

Амэндэ вджяна дрэ строѣ гигантска заводэ-адасавэ сыр Магнитогорско тэ Кузнецко.

Кузнецко заводу дрэ Сибирь—адава само баро заводу прэ пхувьякиро шаро. Дажэ дрэ Америка нанэ лэскэ ровня. Чясть адава заводу лыя тэ бутякирэл ужэ дрэ 14 бэрш Октябрьско революция. И адая чясть вымэкэла адакицы чюгуно, со 100 вагоны кажно дывэс только-только могискирна тэ отлуджян адава чюгуно. Собы тэ отлуджяс сари заводоскири суточно выбутякирды продукция, трэби 677 вагоны. Кажно мэнта лэла тэ вымэкэлпэ бутыр 200 пуды готово материалу. Собы инке фэдыр тэ полэс, саво баро адава заводу, пхэнаса, со андрэ лэстэ сы пэскири саструны

дромитко линия длэнгимаса дрэ 120 км. Собы фэ-дыр сыс полыно, сави учи тэхника про заводу, усы-каваса только прэ екх факто. Каждодывэсытко загрузка домна дрэ 1500 тоны сырьё лэла тэ кэрэл саро прэ саро екх мануш, управляющё автомотическонэ вагоно-весэнца. Прэ адасави жэ учи тэхникакири основа кэрнапэ и сарэ ваврэ нэвэ заводэ тэ фабрики.

Адыкэ пролыджянапэ дро джибэ усыкаибэна т. т. Лениноскирэ тэ Сталиноскирэ вашэ учи тэхника дрэ промышленность.

Жыко революцыя 900 гавиткохулаибнытка машыностроениёскирэ заводэ вымэклэ дрэ бэрш машыны прэ 70 млн. састэ. Дрэ 1932 бэрш екх только Ростовско заводу вымэкэла гавитка хулаибнытка машыны прэ 115 млн. састэ. Екх нэво советско заводу вымэкэла дрэ екх тэ паш молы бутыр машыны, соса 900 капиталистическа жыкореволуцыонна заводэ. Жыко революцыя тракторэ ни кай амэндэ на выбутякирдэпэ. Дро 1932 бэрш дро екх дывэс вымэкэлапэ 250 тракторэ.

Прэ якха сарэсвэтытконэ капиталистэндэ барьёла и зоралёла Советсконэ Союзоскиро соцыалистическо хулаибэ. Дурыдыр амэ удыххаса, сыр адалэ капиталистэ на камэн тэ домэкэн тэ выкэрэс панджэбэршытко плано. Нэ и андрал амари стропа сы бут соцыалистическонэ строителъствоскирэ вороги.

Кулако, нэпмано тэ бывшо тагаритко чиновнико тховэна сарэ зорья ваш одова, собы тэ зарикирэн соцыализмоскиро строителъствоскиро сыго гыибэ. Сарэ рипирна, сыр дрэ Москва сэндякирдэ вредителен. Адалэ контрреволюцыонеры прокэдынэпэ прэ уче бутя. Ёнэ зарикирнас дрэван трэбимо заводэнгиро кэрибэ, ёнэ вычиндлэ ваврэ стронэндыр пхагирдэ машыны и адыкэ дурыдыр. Сарэнгэ акана полыно, со адава сы сама холямэ амарэ индустриализацыякирэ тэ соцстроителъствоскирэ вороги. А сыр жэ рэндо рашанца? Машкир бутитконэндэ бут патяибнытконэн.

Кой — савэ лэндыр думинэна, со рашая чячес, вари-савэ-то ваврэ мануша. Ёнэ, хабись, дур всяконэндыр панджебэршытконэ планоскирэ ворогэндыр. Патяиб-нытка вавир моло ракирна, со рашая на янэна фуипэ индустриализацыякэ. На ласа тэ патяс лавэнгэ. Подык-хаса, со ракирна фактэ.

6. СЫР ОТЛЫДЖЯНАПЭ РАШАЯ КЭ ИНДУСТРИАЛИЗАЦИЯ

Жыко адая пора амэ дыкхьям рашан кхэтанэ эксплоататорэнца. На пиригыне ли ёнэ акана прэ бутитконэнгири строга? Амэ джинас, со соцыалистическо строительство янэла мэрибэ эксплоатацыякэ. Адатхыр полыно, со адава откхарлапэ и прэ эксплоататорэндэ дрэ рясы. Бутярья дыкхэна, со на дэвэл, а ёнэ кокорэ ваш пэскэ домарнапэ бахт прэ пхув. Рашангэ адава дрэван на пире ило. Дрэ кхангирья уса тыкныдыр патяибнытконэн. Рашай дрэ кхангири сыр пауко прэ паутина. Дужакирла-дужакирла, а матхья на урняна. Выджяла, со панджебэршытконэ планоскиро мишто выкэрибэн тыкнякирла паукоскиро дорэсыбэ Пало адава, полыно, со рашая прэ адава моло ачнэпэ дрэ пхураны компания кхэтанэ бутитконэнгирэ ворогэнца. Панджебэршытконэ планоскирэ вороги роскэрдэ машкир пэстэ бангипэна (обязанности). Каждо кэрла фуипэ адякэ, сыр фэдыр лэскэ. Рашандэ надыхи прэ кхэтанэ способы, исы пэскирэ особа способы. Ёнэ пользынэнапэ одолэса, со исы бутитка, савэ инке на вырискирдэпэ религиознонэ паутинатыр. Окэ кэ ёнэ то и поджяна рашая особонэ способоса.

Подыкхаса, сыр рашая марнапэ непрерывкаса. Гарыдыр заводэ бутякирдэ шов дывэса дрэ курко, а, ефтытко дывэс със тэрдэ. Дро бэрш скэдэлеспэ 52 воскресеньи. Советско власть влуджия непрерывка. Заводэ тэ фабрики бутякирна 7 дывэса дро

курко. Адава дэла можыма сыгыдыр тэ узоралякирэс амари промышленность. Рашая закамлэ тэ марэн пиродава штэто. Рашая, кай только могискирдэ, лыджинэ агитацыя ваш одова, собы тэ марэспэ непрерывкаса. Патяибнытконэн трашадэ адоса пало буты дро воскресеньё. И лынэ дажэ тэ кэрэн фрэнтыма—о чюды. Дрэ апрелё 1931 бэрш дрэ Сталинградо сыс кэрдо тракторно заводу, рашая мэклэ пироваста лыл, сырбы адава лыл бичядя кокоро Иисусо Христосо. Погинаса набутка адава лыл: „Мэ, Иисусо Христосо чяво джидонэ дэвлэскиро, припхэнава тумэнгэ тэ гинэс дывэс воскресениёскиро... Коли на лэна адава тэ кэрэн, то бичявава прэ тумэндэ шылалыпэ, балвал, яг, мечё, паны“. Савэ только трашайбэна на выдумискирдэ ёнэ. Рашая камлэ тэ зрискирэн буты пирова воскресении и адалэса тэ янэс фуипэ индустриализациякэ.

Прилыджяса инке екх сыкаибэ. Амэ ракирдям англыдыр вашо Кузнецко заводу. Магнитогорско заводу адасаво жэ баро. Тысэнцэ 50 бутярен кэрдэ адава заводу дрэ 1931 б. Собы тэ помешынэс стройкакэ, штэтытко рашай гавэстыр Магнитно мэкьяпэ прэ адасаво фрэнтыма. Ёв закамья тэ розтрадэл бутярен стройкатыр. Нэ сыр адава тэ кэрэс? Коли моя кон на яви, то ёв екхатыр мулэс на гарадя. Мэк попасёла—дывэс-вавир. Пирдал набут дывэса скэдэласпэ 10 мулэ.

Бутэндыр ужэ дурал гыя кхандыпэ кирныпнастыр. Нэ адава на трашадя рашас. Скэдыи бут мулэн ёв гарадя лэн дро екх дывэс. Прэ адасаво диво скэдынэпэ бут бутярья. Адава и — полыно. Дэш мулэ — надыххло рэндо. Сарэ розпучлэ: со кэрдяпэ? Кулаки кхангиритконэ двадцаткакирэ члены адай жэ роспхэндлэ. Ёнэ хохадэ, со бутярья пхарэ бутятыр мэрна каждо дывэс по дэш мануша. Адай жэ ракирдэ бутяренгэ собы ёнэ тэ уджян стройкатыр кхэрэ. А бельвеле скэдынэ остальнонэ патяибнытконэ бутярен дрэ

пиралы пашыл кхангири тэ уракирдэ лэн тэ чюрдэн соцсоревнованиё тэ ударничество.

Рашая дро марибэ индустриализацияса мэкэна дро рэндо саро-и „бобыбнытка“ лыла и о мулэн и инке бут кой-со.

Бари холыкэрибнытко буты лыджинэ кулаки тэ лэнгирэ союзникэ — рашая прэ фронто колективизация дрэ гавитко хулаибэ. Кулако сыр здылнымэ зверё марлапэ колхозэнца. Фрэнто агитация, яг, пуля пирдал фэнштра, кхия вэнглостыр — окэ сыр марлапэ кулако колхозэнца.

Колективизация проджяла ангил дрэван баро кла-сово марибэ.

7. СЫР РАШАЯ ОТЛЫДЖЯНАПЭ КЭ КОЛЕКТИВИЗАЦИЯ

Никай дрэ саро свэто нанэ адасаво баро гавитко хулаибнытко производство, сыр амэндэ. Бутыр '60 процэнтэ чёрорэ — середняцка хулаибэна обкхэтания-кирдэпэ дрэ колхозэ инке ко лынай 1932 бэрш. Прэ шэл чёрорэ — середняцка кхэра учидыр 60 ужэ дро колхозо, и только тыкныдыр 40 кхэрэндыр шэлэндыр инке ачнэпэ екхкхэритконэ хулаибэнца. Лынаса дро 1932 бэрш ужэ сыс 200 тыс. колхозэ. Советско государство дэла бари помошшь колхозэнгэ. Жыко революция дрэ Россия сыс саро прэ саро 187 тракторэ. Дрэ 1932 бэрш прэ кажно колхозо дрэ среднё приджяласпэ ужэ екх тракторо. Дрэ 1931 бэрш советско власть дыя гавэскэ обмарибнаскирэ, сеялки, жнейки, счиныбнаскирэ тэ ваврэ гавиткохулаибнытка машины дрэ 20 молы бутыр, соса сыс ангил тагаритко правительство дрэ 1913 бэрш. Тэ и одолэ машины, савэ сыс жыко революция, попэрнас ко помешшико тэ кулако. Дрэ 1931 бэрш штарто чясть сарэ колхозна бутя ужэ сыс кэрдэ машинэнца. Дро 1934 бэрш сарэ

осноина бутя дро колхозо лэна тэ пролыджанпэ машынэнца.

Нэ адава инке на саро. Гав мэнчякирлапэ би уфэдырякирибнаскиро. Дро 1931 бэрш колхозэ получискирдэ искусственно уфэдырякирибэ государствостыр прэ 24 млн. састэ.

Жыко революцыя сыс саро прэ саро 175 заводэ, савэ выбутякирдэ искусственно уфэдырякирибэ. Кэ концо панджбэршытко лэна тэ бутякирэн на 175, а 8200 адасавэ заводэ.

Баро фуипэ гавитконэ хулаибнаскэ янэна разна холыкэрибнарья. Дрэ 1931 бэрш советско власть отмэкья дрэ 80 молы-бутыр ловэ прэ марибэ вредителенца, соса тагаритко правительство дрэ 1913 берш. Лачё урожаё явэла только отэнчя, коли сы лаче семяны. Биш тэ екх миллионэ цэнтнерэ сортово зёрно получискирдя гав государствостыр дрэ 1931 бэрш.

Набут ракири, советско власть дрэ 1931 бэрш втходя дрэ гавитко хулаибэ дрэ 60 молы бутыдыр средства, соса тагаритко правительство ангил марибэ. Адасави бари помошшь пролетарско власть дья гавэскэ только пало одова, со уж дрэван миштэс роскхувэлапэ амари промышленность. Бутяритко класо на только лыджяла крестьянство про марибэ помещшикоса, нэ ёв помогискирла тэ пирикэрэл пиро нэво гавитко хулаибэн и тэ хаськирэл кулакос сыр класо прэ основа пхэрды колективизация. Чёрорэ тэ середняки обкхэтаниякирдэпэ дрэ колхозэ и пало набут времё сыкадэ, со колхозно хулаибэ про бут фэдыр екхкхэритконэ хулаибнастыр.

Посевно площадь жыко революцыя убарэдырякиласпэ кажно бэрш прэ екх тэ паш млн. гэктарэ пиро сари пхураны Россия. А пало екх 1931 бэрш колхозэ тэ совхозэ убарэдырякирдэ посевно площадь бутыдыр соса прэ 120 млн. гэктарэ. Колхозно плуго, рандлы, грай дро дуй молы бутыдыр оббутякирна

пхув, соса дрэ екхкхэритко хулаибэн. Дрэ саро хулаибэн саро адава фэдыр тэ пользынэс. Колхозно бутякири организаця кэрла колхозникоскири буты бутыдыр производительнонаса, соса екхэкхэритконэскири буты.

Кхэтанэ адалэса государство помогискирла инке и машинэнца колхозникэнгэ, помогискирла уфэдырякирибнаса, сортовонэ семянэнца. и ад. дур. Кэ адава жэ дрэ колхозо нанэ кулацко-эксплоатация, сави кэрдя чёрорэнца крестьянэн. Стховаса саро адава кхэтанэ, Полюно, со доходо адасавэ хулаибнастыр банго тэ явэл учидыр, соса сы дрэ екхкхэритко хулаибэн. Тэ адякэ исы. Колхозникэ дрэ 1931 бэрш получискирдэ доходо пэскирэ бутятыр дрэ екх тэ паш молы бутыдыр, соса екхкхэритка. Амэ лыям среднё цыфра. Исы колхозэ, кай доходо на дрэ екх тэ паш молы — а дро дуй — трин молы сы учидыр екхкхэритконэ доходостыр.

Ласа екх сыкаибэ колхознонэ джиибнастыр. Выкэ-даса ваш адава колхозо машкиратунэ зорьяса. Дрэ Ленинградско область, дрэ Куйвазовско районо сыс обдыкхло колхозо пиро Кировонэскиро лав. Окэ со сы дрэ адава колхозо. Середняко дрэ адава колхозо получискирдя 2494 састэ 46 гаспря доходо. Коли ёв сыс екхкхэритконэса, то лэстэ сыс доходо дрэ 1451 сас. 20 гасп. Прибавиндяпэ — 1043 сас. 26 гасп. Чёроро получискирдя 403 сас. 28 гасп., а писхари (батрако) — 596 сас. 70 гасп. Адава только пало екх бэрш. Гивэскиро урожаё лэндэ ачья прэ 9 проц-учидыр. Колхозно гурувны одой жэ дья 1 300 литрэ тхуд дрэ бэрш. Гарыдыр екхкхэритка получискирдэ 1100 литрэ дро бэрш.

И адасавэ сыкаибэна дрэван бут. Хулаибнытко выгода тэ освобождениё кулакостыр — окэ со притыр-дэла миллионэ чёрорэн тэ середнякэн прэ колхозно дром. Колхозо нанэ кофитко только ваш кулакоскэ, пало адава, со дрэ колхозо нашты явэла тэ дживэс

палэ чюжонэскири буты. Колхозо тэ кулако — адава яг тэ паны. Кхэтанэ тэ дживэн ёнэ на могискирна. Кулако-само холямо колхозоскиро ворого. Ангил пхэрдэ колективизация кулако вытасавэлапэ. Кулачество хаськирлапэ сыр класо. Колхозникэ прэ саро времё освободинэнапэ кулацконэ эксплоатациятыр. Адалэстыр, со пирипарувэлапэ хулаибнытко джиибэ, ваврэс ужэ думинэла и о колхознико. Счюрдыи пэскирэ псикэндэр пхувьякирэ ран — помещшикэн тэ кулакэн, колхознико пириячела тэ бандякирэл чянга ангил болыбнытконэ рандэ. Кэ адава жэ колхознико дыкхэла, со колективнонэ бутяса, машынаса тэ агрономическонэ джиныбнаса и бидэвлэнгиро уфэдырякирэса пэскиро джиибэ. Пиро адалэ дуй причины сыгэс барьёла бидэвлякирибэ машкир колхозникэндэ. Закэрнапэ кхангирья и пирикэрнапэ тэлэ клубы, кино, школы кхэра-гynyбнытка, насвалыпнаскирэ и ад. дур.

Дрэ Северно краё, дрэ колхозэ Тигинсконэ ку-стоскиро сыс обдыкхибэ. Окэ со адава обдыкхибэ сыкадя. Прэ шэлэ екхкхэритконэндэ 44 инке псирна дрэ кхангири, болэна чявэн. и ад. дур. Машкир колхозникэндэ прэ шэлэ колхозникэндэ только 12 инке рикирнапэ палэ кхангири. Адатхыр дыкхло, сыр сыго колхозно джиибэ откэрла якха крестьяниноскэ. Колхознико на камэл тэ явэл корорэ христиансконэ бак-ряса. Кэ пастырё духовно — рашай колхознико, гин-со на джяла. А на явэла бакрэн, на явэла конэскэ бал тэ счинэс. Екх ачелапэ тэ на домэкэс колективизация.

Выджяла адякэ, со и адай рашаскэ кулакоса пиро екх дром. И одова и вавир дро екх страна дыкхэна. Ваш сарэ дуенгэ колхозэ сырлон прэ пори. Коли кулако спичкэнца тэ обрезоса марлапэ колхозоса, то о рашая стходэ вастэнца на лэна тэ бэшэн. Могискирна ли рашая тэ подрикирэн колхозэ? Ваш адава и тэ раки-рэс на приявэла. Могискирна ли ёнэ тэ тэрдён дрэ

стро́на, коли колхозникэ марнапэ кулакэ́нца? По́лыно, со на. Кхэ́танэ кулако́са раша́й сарэ́ зорье́нца камэл́ тэ́ розма́рэл одо́ва, со стро́инэна колхозникэ́. И со то́лько на при́думинэна духо́вна да́да. Тра́кторэ́ ё́нэ кха́рна антихри́стоскирэ́ маши́наса, раки́рна, со ко́коро бэ́нг кэ́рдя пэ́рво тра́кторо. Дро́ гав Бори́совка Мо́рдовско́ райо́но ЦЧО́ раша́я оте́лужындлэ́ специа́льно моле́бно проти́в „диаволо́стэ, саво́ гу́динэла́ пиро́ фэ́лды-тэ́ пу́тынэла́ ме́жы“. Коли́ и адалэ́стыр нисо́ на вы́джяла, раша́я мэ́кэна шуны́бэ, со тра́кторосты́р э́ пхув про́кхандэ́ла керосино́са. Прэ́ одо́ва штэ́то на то́лько ма́ро нэ́ и да́жэ ни сави́ чя́р тэ́ ба́рьёл на́ лэ́ла.

Раша́я набутка́ обга́лынэ́пэ. Прэ́ одо́ва штэ́то, кай́ бутя́кирдэ́ тра́кторэ́, ма́ро ба́рьёла́ фэ́дыр. Ада́ва колхозникэ́ джи́нэна. А со́ ангил́ хор тра́кторно́ вспа́шка сорна́ чя́рря хасё́на тэ́ тангиски́рэс на́нэ со. Нэ́ раша́я на ва́шо ма́ро тэ́ чя́р чивэ́на я́сва. Ё́нэ ваврэ́стыр да́рна. На ма́ро тэ́ чя́р, а кула́ки тэ́ раша́я на лэ́на тэ́ ба́рьён прэ́ колхозно́ пхув, сави́ пи́рипахандлы́ тра́ктороса. Окэ́ ада́ва чя́чё. Ака́на по́лыно, со́стыр советско́ тра́кторо́ дэ́влэски́рэ писха́рья кха́рдэ́ бэ́нганэ́ маши́наса

Брига́да — осно́вно зве́но дрэ́ организа́цыонно́ хула́ибны́тко колхозоски́ро узо́раляки́рибэ́. Раша́я лы́джяна́ агита́цыя проти́в брига́дно́ буты́. „Ка́ждо пал́ пэ́стэ, екх́ дэ́вэл палэ́ сарэ́ндэ́“, раки́рна ё́нэ.

Раша́я джа́на про́ саро́, со́бы тэ́ подриски́рэс посе́вно кампа́ния. Вэ́снаки́ро дрэ́ 1932 бэ́рш дрэ́ Остро́вско райо́но, Лени́нградско́ обла́сть пси́рдэ шуны́бэна, сы́р будто́, явья́ хри́стосо, пси́рэла́ пиро́ га́ва и раки́рла, со́бы на се́индлэ́ ранэ́с о лё́но.

Сде́льшшина́ — ада́ва трэ́бимо́ усло́виё ва́ш колхозоски́ро узо́раляки́рибэ́. Раша́я лы́джяна́ агита́цыя па́ло одо́ва, со́бы до́ходо тэ́ роскэ́рэн дро́ колхозо́ сарэ́нгэ́ ровнэ́с пиро́ хри́стиански́.

Сари́ ада́я раша́нгири́ агита́цыя лы́джяла́ кэ́ одо́ва,

собы тэ срискирэс організацыонно — хулаибнытко колхозэнгиро узоралякирибэ.

Или ласа ваш сыкаибэ фэлдалыджяибнаскири система. Сыр джинло каждонэскэ бутфэлдытко (много-польно система дрэ фэлдалыджяибэ про бут фэдыр тринэфэлдытконэ (трехполкатыр). Колхозэ екх пало вавир пириджяна прэ бутфэлдытко система Нэ со колхозоскэ шукир, одова кулакоскэ тэ рашаскэ — хась. Паладава полыно, палсо лыджяна агитацыя рашая. Ёнэ ракирна, со тринфэлдытко система кокоро дэвэл утходя пиро пэскиро образо. Дэвэл екх, нэ дрэ трин муя. Пхув крестьянско тожэ екх, нэ дрэ трин фэлды: озимо — дэвэл-дад, ярово — дэвэл-чяво, а свэнтонэ духоскэ ачелапэ паро. Саро пиро дэвлакуно. Жыко со фрэнтэс религиозна помошшники използ-зынэна религиозна парамыси ваш одова, собы тэ кэрэс фуипэ колхозэнгэ.

Акана ангил колхозэ дрэван баро задэибэн, — тэ ґаздэс урожаё. Кулаки тэ рашая екхатыр выгынэ и адалэса про марибэ. Ласа ваш сыкаибэ екх факто. Дрэ Московско область, Черноозерско районо, дро гав Туголеско рашай Ивано Боголепово ракирдя патяибнытконэ крестьянэнгэ: „Урожаё могискирла тэ явэл лачё только дэвлэстыр, ваш со тэ кэрэс колхозо. Трэби только тэ мангэспэ, а дро колхозо тэ джяс на трэби„. Адава рашай кокоро то и на патяла, со урожаё дэвлэстыр, нэ ёв дарла, собы колхозникэ, кокорэ ґаздыи урожаё, на забистырдэ ваш дэвлэскэ. Надыххи прэ адава урожаё инке зоралякирла колхозо. А адава рашаскэ тэ кулакоскэ — чюри дро ило. Окэ палсо рашая на камэн лаче урожай.

Дрэван зоралэс камэн рашая тэ марэн пиро кокоро колхозо. Ёнэ сарэ пэскирэ свэнтонэн ґаздынэ прэ ґэра, собы тэ урикирэс екхкхэритконэн — чёро-рэн тэ середнякэн вгыибнастыр дро колхозо. Рашая дрэ помошшь кулакэнгэ, мэкэна на только кулацка, нэ и пэскирэ особа способы. Ёнэ джинэн, со машкир

чёрорэндэ тэ середнякэндэ инке бут патяибнытконэн. Прэ религиозно нангло (крючко) ухтылла рашай савэ крестьянинос и тырдэла прэ кулацко платформа. Только бы дрэ колхозо тэ на мэкэс. Придыкхасапэ жэ фэдыр ко рашангирэ вэндыцы (удочки). Дрэ Северно краё рашая ракирнас патяибнытконэнгэ адасавэ парамыси. Сарэ колхозникэнгирэ списки явэна прэ старшно сэндо. Одолэн, конэс дрэ списко на явэла—дро раё, а конэс дро списко латхэна, прямэс дро адо, дрэ хачкирды смола. Кокорэ то рашая ни дро адо, ни дро раё на патяна. Нэ лэнгэ трэби сыр ни сыр тэ урикирэс екхкхэритконэн вгыбнастыр дро колхозо.

А окэ со вычюрдынэ рашая дрэ Цэнтрально чернозёмно область дрэ Россошанско районо. Адава—районо пхэрдэ колективизацыяса. Одой ёнэ мэкнэпэ дрэ сама крайня средстве. Коли колективизацыя сыс дрэ само розхачибэ гынэ шуныбэна вашо чюдо. Чюдо на тыкно—кокоро христосо лыл болыбнастыр бичядя. Сыго ачья джиндло, со сыс чиндло дро лыл. Кулаки радаса лынэ сарэнгэ тэ розракирэн вашо лыл. Ёнэ джиндлэ лэс саро жыко лав. Со жэ чиндяпэ дрэ адава лыл? Пошунаса жэ, со чинэна „болыбнастыр“. „Куч товариши колхозникэ! Мэ бичявава тумэнгэ болыбнытконэ царствовыр лыл, дрэ саво мангава тумэн тэ выджян колхозостыр и тэ прилэн прэ пэстэ ударно буты пиро розраибэ пэскиро колхозо. И, кон на шунэла миро задыбэ, одова джяла дро адо вечно, а кон шунэла, явэла прилыно манца дро свэнта угодники и дрэ болыбнытко царство“. Рашая тэ кулаки упатякирнас, со лыл адава болыбнастыр ангело яндя. Бутыдыр отачлэ и патяибнытка екхкхэритка пирдал адава лыл дарандынэ тэ вджян дро колхозо. Кой-савэ колхозникэ подынэ лыла вашо выгыибэ колхозостыр. Пало адава напатяибнытка, сознательна колхозникэ, долэнас пэскирэ пучибэнца: „А состыр тумаро хри-

стосо тырдэла кулацко васт? А состыр про болыбэ джинэн адасаво лав, сыр „товариши“ тэ инке ваш ударничество амаро? А кай адава христосо русконэ чибакэ высыклыя?

А кон получискирдя лыл? А сус э марка про конверто“? Адасавэ пучибэнца приячлэ колхозникэ кэ одолэ, кон вашо лыл розракирдя. Тэ ракирэс насус со. Дрэван ужэ на фрэнтэс выдуминдлэ „чюдо“. Бут патяибнытка колхозникэ тэ екхкхэритка чёрорэндыр и середнякэндыр пириячлэ тэ псирэн дрэ кхангири. Ёнэ угалынэ, со парамыси вашэ дэвлэнгэ трэби только советсконэ властякирэ ворогэнгэ. Ваш лэнгэ полыно ачъя, со поднэвякирды парамыся вашэ христоскэ сус мэклы вашэ одова, собы тэ розравэс колхозэ. Нэ адая контрреволюционно агитацыя уса жэ яндя фу-ипэ колхознонэ рэндоскэ пало одова, со дрэ латэ инке патяндынэ сама отачлэ, патяибнытка крестьянэ. Кой-савэ патяибнытка колхозникэ пириячлэ тэ псирэн прэ колхозно буты.

Инкэ фрэнтыдыр сус рашай дро гав Слободки дрэ Ивановско область. Надур слободкатыр сус баро болото дро вэш. Сыр только скэдыяпэ колхозо, лынэ тэ ракирэн, со дрэ болото сыкадынэ бэнга. Бэнга балысалынэ, балысалынэ, нэ фуй ни конэскэ на кэрдэ.

Трашадэ набутка колхозникэн тэ и саро. Адыкэ тэ пхэнэс, бэнга явлэ пало колхозникэнгирэ ди. Камэс дро раё тэ попэрэс-чюрдэ колхозо, и о бэнга екхатыр отачена. Кой-савэ колхозникэ и дарандынэ, нэ бутыдыр жэ только сандлэпэ. Екхвар чёрорэ скэдынэ скэдыбэ и зракирдэпэ тэ бичявэн делегацыя дро форо Шуя. Делегацыя гыя тэ мангэл райисполкомо тэ откэдэл кулакэндыр чясть пхув и тэ отдэс ла тэлэ колхозо. Адай ужэ бэнга на вырикирдэ. Сыр только делегацыя догыя жыко паш болото, адай прэ лэндэ о бэнга и пынэ. Дэшуекх бэнг. Сарэ дро бала, калэ, порьенца тэ рогэнца. Годласа тэ шоленца чюрдынэпэ ёнэ прэ делегацыя. Дотрадыи колхозникэн, бэнга лынэ тэ марэн лэн дэстэнца. Адай жэ ёнэ дынэ

годла прэ руско чиб: „На джян кэ уче власти, коли на припхэндлэ тумэнгэ бэнга“. Екх чёরоро — бидэв-лытко Мазя Павлово усатаки вырискирдяпэ и упра-стандыя. Пир лэстэ бэнга лынэ тэ марэн карэдыня-тыр, нэ уса мамуй. Павлово роспхэндя саро дрэ форо Шуя. Прэ болото выгыя отрядо ГПУ. Дрэ само глухо штэто ухтылдэ сыс сарэ 11 бэнга. Яндлэ адалэ бэнгэн дро гав. Сарэ скэдынэпэ тэ дыкхэн трашанэ бэнгэн. Прилынэпэ тэ злэн бэнганэ урибэна. И окэ бэнгэн лынэ тэ угалён. Кой-савэ лэндыр сыс кулаки, сектанто-евангелисто, дурыдыр бэнганэ цыпатыр вы-гыя дьячко, а пал лэстэ рашай тэ чяво рашаскиро. „Бэнгэн“ покэдынэ. Про болото ачья штыл.

Чёরорэ тэ середняки кхэтанэ колхозникэнца до-галынэпэ, со лэнгиро ворого сы на только кулако, нэ и о рашай. Сарэ дуй екх багана. Сарэ болыб-нытка зорья прикхардэ про марибэ колхозэнца. Коли зорало христосо, саво саро можынэла, на помогис-кирдя, так „бэнга“ лынэпэ пало рэндо. На екх и на дэш патяибнытконэн чёরорэн тэ середнякэн урикирдэ болотна „бэнга“ вгыибнастыр дро колхозо. Свэнта дада, сыр амэ дыкхьям, кокорэ коли-ками дрэ бэнгэндэ пирикэрнапэ, только бы тэ помешынэс кол-хозэнгэ. Коли бы адалэ бэнгэн на откэрдэ екхатыр, на екх колхозо могискирдя бы про времё тэ роспэрэлпэ.

Коли бэнга рашангэ на помогискирдэ, то ёнэ лэ-напэ пало вавир рэндо. Дро Ленинградско область, надур форостыр Псково, 10 кулаки, рашай тэ дьяко ратяса подхачкирдэ комуна „Пламё“. Бут со похачия дрэ комуна. Кулаки тэ рашая джиндлэ, со дрэ об-шшежытиё сутэ на только барэ, нэ и тыкнэ чяворэ. Дрэ яг схачия 8-бэршытко чяёри. Обхачимэ трупо латхлэ ужэ коли саро прохачия.

Дро гав Данина, Нежынско районо, прэ Украина кулаки и рашай подкиндлэ пало 300 састэ крестьянинос-середнякос и маткирдэ лэс жыко пашмулыпэ бравинта-са. Мато крестьянино гыя тэ схачкирдя колхозо. Дро

шталы тэрдэ сыс 200 грая тэ 68 гурувня. Ёв жэ умардя колхозоскирэ председателёс.

Со жэ мол адалэ длэнгонэ поденгирэ колхозоскирэ вороги? Трэби ли кэ рашая тэ отлыджяспэ фэдыр, соса ко кулаки? Соса ёнэ фэдыр? Одолэса, со прикэрдэпэ длэнгонэ рясэнца? Одолэса, со трушыл прэ колын, тэ бала длэнгыдыр? Одолэса со всяконэ способэнца саро времё обкэдынэ бутитконэн? Одолэса, со дылнякирдэ шэро бутитконэнгэ религияса, а кокорэ тхулынэ пало лэнгирэ думэ? Одолэса, со дэвлэн тэ бэнгэн скэдынэ про марибэ колхозэнца? На, рашая адасавэ жэ холямэ вороги колхозэнгирэ сыр и о кулаки. И колхозникэ кэрна чячес, коли пириячена тэ псирэн ко рашай, а кхангири закэрна.

Рашангири контрреволюцыя банги тэ роскэрэл якха и екхкхэритконэнгэ - чёрорэнгэ и середнякэнгэ. Мэк удыкхэна ёнэ, со коли рашая тэ кулаки марнапэ колхозоса, то о колхозо сы чячюно дром вашо бутитконэ крестьянэнгэ. Эксплоататорэ на камэна одова, со вылыджяла бутитконэн нуждатыр, чёрорипнастыр тэ калыпнастыр. Прэ нужда тэ калыпэ ваврэнгирэн ёнэ только и могискирдэ тэ барвалён. Колхозникэ дрэ ответо прэ буы кулацконэ рашангирэ армиякэ выкэрэна коммунистическонэ партиякирэ тхоибэна вашо организацыонно - хулаибнытко колхозэнгиро узоралыкирибэ, вашэ сдельщина, вашэ бригадно буы, вашо марибэ пало учё урожаё. Адалэса колхозникэ фэдыр сарэстыр ответиндлэ на только кулакэнгэ, нэ и сарэ колхознонэ вредителенгэ — одолэнгэ, савэ псирэна трушылэса прэ колын тэ обреза са тэлэ подя.

3. СОСА КАМЭН ТЭ ЗАПАРУВЭН РАШАЯ КУЛЬТУРНО РЕВОЛЮЦИЯ

Чёрорипэ, налылварипэ, полицэйско чюпны—окэ соса чярадэ бутярис тэ крестьянинос жыко револю-

цыя. Бравинта тэ религиозно отрава—окэ соса лэн дынэ пане. Состыр жэ эксплоататорэ адыкэ кэрдэ? Пало адава, со адава лэнгэ сыс кофитко. Лэнгирэ класоскэ адалэстыр сыс только миштыпэ. Министро пирэ просвешшениё ангил Александро I ракирдя адыкэ: „Сыкляибэ сарэ народоскиро яндя бы бутыр фуипэ, соса миштыпэ“. Адава ракирдя министро пирэ просвешшениё. Сыкляибнастыр ёв дыкхья фуипэ. Тагари Александро III, последнёне тагарискиро дад, екхвар гиндя лыла ваш адава, со кой савэ крестьянэ докэдэнапэ жыко гимназия. Тагарискэ, сыр дыкхло адава на покамыпэ, угалыи, со гимназия, кай сыклёна дворянска чявэ, замэлякирла „гаджё“. Ёв чиндя упрэ адасави резолюцыя. „Адава то и холякирла, со гаджё адыкэ жэ тырдэлапэ дрэ гимназия“. Конэс жэ адава адыкэ холякирла, коли гаджё сы дрэ гимназия? Одолэс кон джиндя бутярискирэ „гаджескирэ“ бутяса. Коли бы бутярья тэ крестьянэ получискирдэ сыкляибэ ёне сыгыдыр бы роскэдынэпэ со кэ со: кай адай дармоеды, а кай бутитка: кай лэнгирэ вороги, а кай други. Ёне сыгыдыр бы латхнэ чячюно дром кэ лачё джиибэ. А адава дром—организованно вооружонно марибэ эксплоататорэнца. Акана ужэ дыкхно фэдыр, со адыкэ „холякирдя“ Алескандрос III.

Дрэ адасави жэ холы буглэ народноне просвешшениёстыр сыс и ваврэ эксплоататорэ кхэтанэ духовенствоса. Чячё, школы сыс уса таки. Не саво адава сыс сыкляибэ? Залэласпэ и кончинэласпэ сыкляибэ мангипнаса дэвлэскэ, а машкирал дэвлакуно законо тэ инке дуй уроки. Дэвлэскиро законо сыс главноне предметоса. А прэ дэвлэскиро законо только и шунэса, со трэби тэ шунэс и тэ кланинэспэ болыбнытконэ тагарискэ тэ пхувьякирэ тагарискэ. Мангипэ, саво затходэ тэ ракирэн, коли кончисалынэ уроки, кончиндяпэ лавэнца. „Тагарискэ тэ отечествоскэ прэ польза“. Саво сыс сыкляибэ, так и адава сыкляибэ

тходяпэ ваш тагарискэ тэ помешшичье-буржуазнонэ отечествоскэ прэ польза.

Коли тэ лэс пхуранэ лылваря тэ газеты, то одой адякэ жэ оббутьякирибэ лыджияпэ ваш одолэ жэ барвалюкэнгиро кофо. Революцыонна тэ бут ськ-ляибнытка лылваря сьс запхэндлэ. Паладава бикиндяпэ адасаво духовно маро, сыр библия, свэнтонэнгиро джиибэ, дэвлэскиро законо, оракулы тэ инке патриня ваш адоскиро мэнчякирибэ тэ раёскиро блажэнство, патриня лэскирэ величествоскирэ всеросийсконэ кагнитконэскиро — тагарискиро. Пало накуч тимин могискирдо сьс тэ вырэсавэс икона савэ тэ на яви великомученицакири, пандж гаспря подчюрдэса, угодинокос дэна, а палэ чюдотворцостэ пашало приявэла тэ вычюрдэс. Окэ савэ, коли адякэ могискирдо сьс тэ пхэнэс духовнонэ „марэса“ чярадэ бутитконэн. Адалэстыр пхураны власть дыкхья кофо ваш пэскэ. Тёмнонэ, накультурнонэ массаса локхыдыр сьс тэ управинэс паразитэнгэ.

Рашая инкэ бутыдыр камлэ народоскири темнота. Бакря тэ стригинэс локхо, коли ёй спхандлы. А кон, сыр на рашая обчиндлэ сувнакуны шэрсть христовонэ бакрендыр. Религия сьс одолэ шылэнца, савэнца патяибнытка сьс спхандлэ пиро васта тэ гэра. А чёрорипэ тэ налылварипэ узоралякирдэ религия. Калыпэ манушэнгиро сьс про васт дрэван духовнонэ пастыренгэ. Рашая, урняибнытка мышы, тэ совы, сарэ ёнэ камэн калыпэ и дарэна свэтостыр. Только дрэ тёмныма ёнэ сыго ухтылна пэскирэ жэртвы. Революцыя сыр кхам, лыя тэ розтрадэл бутбэршытко рат. На покамыпэ адава калэ рашангирэ стаякэ.

Прэ социалистическонэ строителъствоскири основа дрэ форо и дро гав барьёла культурность бутяренгири тэ бутитконэ крестьянствоскири. Клубы, кино, культурэнгирэ кхэра, школы кхэра — гиныбнытка гэнстонэ сетяса учякирна дрэван барэ советсконэ строакирэ просторы. Дэшушовто партиякиро

сьезде тходя тэ влуджас всеобшшё обязательно сык-
ляибэ ваш тыкнэ чяворэнгэ. Тыкнэ чявэ тэ тэрныпэ
сыклёла акана дро 3 молы бутыдыр, соса жыко ре-
волюцыя. А сыр жэ барэнца? Тэ на джян жэ лэнгэ
э тыкниньконэнца дрэ школа. Сожэ, аль тэ наизбави-
нэспэ налылварипнастыр, адалэ проклятонэ пхуранэ
строёскирэ наследствостыр? Выгыя со можно и трэби.
Лылваро бутитко сы бутыр тиминитко социализмос-
киро строителё, соса налылваро. Комунистическо
партия тэ советско власть буглэс роскэрдэ хаскирибэ
налылварипэ машкир барэ бутитконэндэ. И окэ со
сы адалэстыр. Жыко революцыя прэ екх шэл ма-
нуша със саро прэ саро 30 лылварэн, а дрэ 1931
бэрш прэ шэл мануша ужэ със на 30, а 70 лылварэн.
Могискирна ли кхангиритка совы спокойнэс тэ ды-
кхэн прэ адасаво сыго хаскирибэ бутбэршытко ка-
лыпэ?

Тэ на пиригинэс саро, со прилена рашая, ваш
марибэ просвешшениёса. Сарэнгэ ёнэ ракирна, со
дрэ школы сыклякирна антихристоскирэ сыкляибна-
скэ, со школатыр чявэ прямонэ дромэса попэрна
дро адо. Дрэ Сибирско краё, дрэ Милославско рай-
оно рашая уракирдэ даен тэ дадэн: „Лэнте чявэн
школатыр, тумэ пал лэндэ ангил дэвлэстэ ответо лэна
тэ рикирэн. На домэкэнте, собы дрэ тумарэ чявэндэ
антихристоскиро духо вгыя“.

Дрэ амарэ школы барьякирна дрэ чявэндэ холы
кэ эксплоататорэ. Адава кхарлапэ прэ рашангири
чиб атихристоскирэ духоса. Ёнэ бы на отпхэндлэпэ,
коли бы пэскиро „духо“ мэклэ дрэ амари школа, нэ
бутитка адалэстыр отпхэндлэпэ екхатыр, сыр только
прогыя революцыя.

Ликбезо адякэ жэ на пиро ило одолэнгэ, кон
дылнякирла религиознонэ дурманоса. Дро Донбасо,
дро баро бутяритко цэнтро Константиновка штэтытко
рашай ракирдэ адасавэ лава: „Сарэ, кон псирла дро
клубы, прэ скэдыбэна сы антихристоскиро семё, а

советска школы тэ ликбезы — адава задылнякирибэ манушэскири годы. Джювля, раххэмпэ лэндыр“. Ликбезо сы пиро лэнгиро „задылнякирибэ годы“. Рашаскэ, галёв, дрэван камьяпэ бы тэ сыклякирэс адалэ джювлен библияса тэ пэскирэ проповеденца. Гарыдыр адасаво „просвешшениё“ сыс тагарискэ тэ отечествоскэ, а акана рашаскэ тэ кулакоскэ прэ васт.

Чячэ, рашангэ на чястэс удэланэ тэ оттырдэс налылварэс э ликбезостыр. Дрэван уж лыджяла каждонэ рашастыр кулацконэ кхандыпнаса. Нэ агитацыя — адава инке на последнё средство. Дро гав Петровско Будогошшско районо, Ленинградско область рашай кхэтанэ кулакэнца подхачкирдя крэстьянсконэ тэрныпнаскири школа. Дрэ втро этажо сыс обшшежытиё. Дрэ дуй мардэ ратяса сарэ просутэпэ э тхувэстыр. Чюрдынэпэ кэ порта, нэ тэ откэрэс ла на удыяпэ. Лэстницатыр свэнто васт, галёв, закэрдя порта. Камлэ тэ схачкирэн джидэнца. Сыкляибнаскирэ (ученики) розмардэ фэнштры и лынэ тэ ухтэн второнэ этажостыр. Обхачимэ, сарэ дро рат крэстьянска чявэ, сыр пригыя, пынэ прэ пхув. Екх выбуладя о васт, вавир пхагирдя гэрой. Коли на разджянгадя бы чявэн хачибэ, прэ вавир дывэс явэлас бы только шылалы праска (зола). Пирдал адава случяё бут патяибнытка на лынэ тэ псирэн дрэ кхангири. Прэ кхэтано скэдыбэ колхозникэ тходэ тэ роскэдэс штэтытко кхангири прэ кирпичё. Адалэ кирпичёстыр лынэ тэ кэрэн нэви школа ваш крэстьянско тэрныпэ.

Марибэ палэ здравонэ манушэстэ — адыкэ жэ баро культурно задыбэ. Здравима сыр и джиныбэ дрэван трэби ваш каждонэ соцыализмоскирэ строителёскэ. Со жэ дэна рашая? Лэндэ сы особа „способы“. Пиригинаса адалэ рашаскирэ „средства“. Молебнo вашо „здравиё“. Притхойбэ ко свэнта иконы. Кэ екх „богоматерь“, а лэнгэ сгиныбэ нанэ. Окэ ёнэ „чюдо-творна“: казанско, смоленско, владимирско, иверско, троеручица, — и. о. конце лэнгэ нанэ. Исы свэнта

специалисты пиротдельна насвалыпэна. Припадкэндыр свэнтэ Никита, коклюшостыр Ивано предтечи, оспатыр Каноно Неврийско, пиротдандыдтка насвалыпэна, ваврэ лавэнца тэ пхэнэс палэ дандистостэ, — свэнтэ Антипиё. Кай лэн сарэн тэ пиригинэс. Рашандэ исы инке бутыдыр тань средствы. Четвергово момолы, праска кадилостыр, розлыджины про паны, дэлапэ насвалэскэ. Насвалэ тыкнэ чяворэн пиротрашангирэ лава трэби тэ морэс дро паны, савэса обмордэ иконы. Бут ваврэ „рецепты“ дэна патяибнытконэнгэ духовна пастыри. Дрэ Лодейно фэлда Ленинградско область дрэ краитко музеё зракхэлапэ интэресно скамейка. Ёй гарыдыр сыс тэрдэ дрэ пашылатуно монастырё. Прэ латэ пиротшуныбэна, сыс бэшло дэвлэскиро монахо. Так окэ одорик дро монастырё псирдя толпэнца народо насвалэ дандэнца. Собы тэ высастякирэс данда, ёнэ дандырнас адая, „свэнтэ“ скамейка. Свэнтонаса адая скамейка сыс паладава, со прэ латэ чястэс бэшэлэс монахо. Свэнтотспособо чячё сы интэресно. Нэ савэ жэ стронатыр адай о данда. Мэк бы кокорэ монахи екх палэ екхэстэ освэнтякирдэ тэ грызиндлэ пэскиро „миштыпэн“. Тэ окэ со то адава кокорэ ёнэ на кэрдэ. Палэ врачендэ уса прастандынэ. А ту грызинэ, только на бистыр кошэлько ангил выгыибэ. А коли адава на кэрэса, то и э дандэнгэ фэдыр на явэла. Патяибнытка дынэ дэвлэскэ, а монастырска балыче тэ окхурэ, уса тхулынэ тэ тхулынэ. А сыр жэ э скамейка? Скамейкатыр ачнэпэ только о сучья, савэ позоралыдыр тэ о гвозды. И уса жэ тэ высастёл адаlestыр никон на могискирдя. Последня данда пхагирдэ. Тэ инке чюжонэ салендыр (слюны) бут пирилынэ насвалыпэн

Бут религиозна обряды розлыджяна зараза. Причастиё екхэ роятыр, миропомазаниё, одова со болэна екхатыр бутэ чявэн дрэ екх паны, коли притховэнапэ ко дэвэла екх палэ ваврэстэ—саро адава роз-

лыджия зараза. Ангил тутэ проджяла адасаво сө саро прокирныя заразнонэ насвалыпнастыр, а ту палал слижынэса сарэ лэскирэ саля. Занасвалёса и тэ дога-лэспэ пхаро, катыр со лыяпэ. А выгыя то адыкэ, со коли притходяппэ упрыдыр лыян зараза. Дрэ газета „безбожник“ екх крсетьянино пире лав Петро Гришанкино гавэстыр Михайловкатыр бывшо Симбир-сконэ губерниятыр чиндя лыл, дрэ саво жалисалыя прэ рашастэ. Прогинаса адава лыл: „рэндэ сыс адыкэ: лыджиём тыкнэ чывэс дрэ кхангири прэ причастіё. На обрискирдём дыкхибэ прэ одова, со ангил лэстэ тифознонэ тыкнэ чывэс лыджинэ прэ причастіё. Нэ, и пирилыя насвалыпэ миро. Яндлэ кхэрэ, а лэстыр пирилынэ инке штар остальна. Адыкэ и мынэ екх палэ екхэстэ сарэ мирэ чыворэ бэршытконэстыр жыко енябэршытконэстэ“. Амэ поджиндякирдямпэ инке лылэса. Екх ли сы адасаво случяё? Кицы инке лы-джяна тыкнэ чыворэн прэ причастіё, кай ёнэ и по-духтылна насвалыпэна.

Закончинаса прэ адава пучибэ вашэ религия тэ здравима. Вылыджяибэ сы екх. Рашая тэ религия усыкавэна на чячюно дром вашэ узоралыкирибэ здравима. Надыхи прэ адава, религиозна обряды кокорэ нир пэстэ сы насвалыпнаскирэ россадникэнца. Тэ марэспэ насвалыпэнца трэби ваврэс. Напририски-рибнытко уфэдырякирибэ бутитконэнгиро джиибэ прэ основа хулаибнытка успехи тыкнякирла насвалы-пэна. Нэ коли сы занасвалыпэ, то састыкирибнаскиро сы пэрво састыкирибэ. Коли жыко революцыя прэ каждая 100 тысэнцэ население пригыяпэ 15 састыки-рибнаскирэ, то дрэ 1931 бэрш амэндэ сыс дро дуй молы бутыдыр лэн прэ адалэ жэ 100 тысэнцэ. Ада-лэстыр амэ дыкхаса, со социалистическо строитель-ство сыго газдэла упрэ на только просвешше-ниё, нэ и бутитконэнгиро састыпэн.

Культуракирэ ворогэнца сы религиозна свэнки. Мат-кирибэ, хулиганство—окэ соса проджяна религиозна

свэнки. Бут джинэна, со гарыдыр и о свэнко на сыс свэнкоса, коли конэскэ на яви на промарнас о шэро, а на так дро пэр чюри на мэкэна. Биадалэскиро свэнко уса екх, со буднишно дывэс. Дрэ Ленин-градо, прэ Охта, дрэ 1928 бэрш дро дывэс „свэн-тонэ духоскиро“ пашыл кхангири залыяпэ мари-бэ чюрьенца. 20 мануша улыджинэ пашджидэнца, екхэскэ мэклэ чюри дрэ само ило. Ёв мыя екхатыр. Прэ „троица“ дрэ 1932 бэрш дрэ Островско районо, Ленинградско область пхарэс ранена 5 мануша, лок-хэс ранена бутыдыр 30 мануша.

Трэби ли тэ розпхэнэс вашэ тысэнцэ адасавэ сы-каибэна? А кицы дрэ религиозна свэнки замразона матэ дро ив! Кицы дрэ ири (семья) кошыбэна тэ ма-рибэна сы дрэ матэ свэнки! Кицы занасвалыпэна сы дрэ адасавэ свэнки, сыр патради тэ рождество! Пос-тоса мануш саро времё пашбокхало, пашчяло, а адай екхатыр отпхандэ сарэ кустыка. Састякирибнас-кирэ на справинэнапэ о лекарство тэ дэн. Посто тэ о свэнки екхэс яндлэ фуипэ. Конэскэ жэ адалэстыр сыс кофо? Постоса узоралякирдэ покорность влас-тенгэ. Пало посто скэдэлапэ ксил, ярэ, сыро. Тага-ритконэ чиновникэнгэ локхыдыр налоги тэ вытасавэс. Рашай адякэ жэ кофоса. Рашай обджяла приходо—дыкхэса исы со тэ скэдэс. А коли патяибнытка ханэ бы адава дро посто, рашаскэ тэ кулакоскэ на ачьяпэ бы нисо. Дрэ свэнкицо патяибнытконэс дрэ кхангири инке моло обкэдэна сыр липка. А пало адава лэскэ проповедь прогинэна ваш болыбнытко награда, тэ свэнтонэ паняса покропинэна. Прэ патради патяиб-нытко чёরоро кулакоса облэлапэ, забистрэла, со оби-дскирдя лэс кулако. Кофо жэ адалэ прошшениёс-тыр только кулакоскэ. Патяибнытко бутитко полу-чинэла только фуипэ пало адава, со религия сыкля-кирла бутитконэн на марибнаскэ, а пшалытконэ камайбнаскэ кэ эксплоататорэ. И савэ бы пучибэна амэ на лыям: и о просвешшениё и э медицина—

религия уса втходя дэстэ дрэ роты. Религия холямо культурнонэ революциякиро ворого. Рашая религиякирэ помошсяса камэн тэ на домэкэн нэви культура. Рашангиро марибэ пролетарсконэ культураса, адава марибэ палэ рисибэ кэ пхурано эксплоататорско прогыпэн. Но рашая и прэ адава фронто явэна спхагирдэ и розтасадэ пролетарсконэ комунистическонэ культураса.

9. СЫР ОТЛЫДЖЯНАПЭ РАШАЯ КЭ ВАВРЭ СОВЕТСКОНЭ ВЛАСТЯКИРЭ МЕРОПРИЯТИИ

Пало саво бы рэндо на лынэпэ бутярэ тэ бутитка крестьянэ, рашая ни екх рэндо на камэн тэ домэкэн. Ласа государственна займы. Дыи дрэ длуго пэскирэ государствоскэ, бутитка джинэна, со ловэ пирикэрнапэ дро нэвэ заводэ, гавитко хулаибнытка машины, саструнэ дрома, школэ и адыкэ дурыдыр. Кэ адава жэ и ловэ адалэ государство отдэла дрэ процэнтэ. Займы узоралякирна соцыалистическо хулаибэ и янэна сыгыдыр адалэса пхэрдо хаскирибэ эксплоататорэнгэ. Могискирна ли рашая спокойнэс тэ дыкхэн прэ адава. Ёнэ сарэ зорья тховэна ваш одова, собы тэ надомэкэс займы. Прэ Урало трито индустриализациякиро займо рашая дрэ екх глос оболдэ „антихристоскирэ грамотаса“ тэ „бэнгэскирэ векселёса“. Займоскирэ облигацыи — готово промэкэибэ дро адо. Окэ соса трашадэ рашая патяибнытконэн. Дрэ дуй штэты, ваш адава, собы тэ зрискирэс займово кампания рашая кэрдэ скэдыбэна прэ кхангири. Дрэ Ивановско область, дрэ гав Першыно, коли гыя подчиныбэ прэ займо „Пятилетка в 4 года“ кхангиритка скэдынэ прэ „дэвлэскири кхангири“ 1000 састэ. Адалэса ёнэ яндлэ баро фуипэ ваш подчиныбэ про займо.

Или тэ лэс марэскиро скэдыбэ. Колхозникэ тэ екхкхэритка чёрорэ тэ середняки камайбнаса бикнэна

пиро твѣрда тимина государствоскѣ маро. Ёнѣ скѣ-
дѣна лолѣ урдѣна. А кулако рикирлапѣ ваврѣскѣ: фѣ-
дыр мѣк миро маро дрѣ колбань (яма) скирнѣла, нѣ
советсконѣ властякѣ на отдава. Состыр адава адякѣ?
Одолѣстыр, со советско власть — адава пролетарско
власть. Кулаки бы барѣ камаибнаса чярадѣ пѣскирѣ
марѣса эксплоататорѣн. Кулако зарикирла маро и ка-
мѣл адалѣса тѣ кѣрѣл тыкныдыр зор амарѣ строитель-
ствоскири. Колхозникѣ чѣрорѣ тѣ середнякѣ помогис-
кирна советсконѣ властякѣ тѣ выгалѣс и тѣ откѣрѣс
кулакостѣ лишнѣ маро. А со кѣрна рашая? Бутѣ сы-
каибѣндыр ласа екх случяѣ. Прѣ хуторо Варваринско,
Вешѣнско районо, Донецко округо, чѣрорѣ длѣнгѣс
родынѣ кулацко маро. Кай только на дыкхлѣ — нанѣ.
Сыр дро паны пыя. И окѣ лѣнгѣ пыя дрѣ годы тѣ
обдыкхѣн кхангири. Кой савѣ патяибнытка на камлѣ
адава: „сыр, дрѣ дѣвлѣскири кхангири кулацко маро
явѣла пашло“. Нѣ бутыдыр лѣндыр усатаки ракирдѣ,
собы тѣ джяс дрѣ кхангири. Гынѣ дрѣ кхангири.
Одорик-адарик и окѣ дрѣ алтарѣ латхлѣ 25 цѣнтнерѣ
кулацко маро. Сарѣнгѣ ачѣя полыно, со рашай слу-
жынды дрѣ алтарѣ дывѣсѣ дѣвлѣскѣ, а раты кулакоскѣ.

Ласа инке екх набаро пучибѣ. Сарѣ рипирна, сыр
амѣндѣ сыс надоухтылыбѣ дрѣ мелка ловѣ. Кицы фу-
ипѣ кѣрдѣ адава надоухтылыбѣ дрѣ мелка ловѣ. Нѣ
жыко адая пора бут на джинѣн, карик жѣ кѣрдѣпѣ
медна тѣ руповѣ ловѣ. А бангѣ жѣ дро адава сыс
бутитконѣнгирѣ вороги. Ёнѣ зарикирдѣ мелка ловѣ,
собы тѣ розравѣс амаро хулаибѣ и тѣ выкхарѣс маш-
кир бутитконѣндѣ намиштѣ ракирибѣна вашѣ советско
власть, Кулакѣндѣ пхѣрдѣ гонѣ медяса тѣ рупѣса лат-
хѣнас, коли кѣрнас обродыбѣ. И адай рашая на отачлѣ
пѣскирѣ компаниятыр. Ёнѣ кѣрдѣ адава жѣ. Прѣ Кав-
казо надур форостыр Пятигорско, тѣрдо монастырѣ.
Дрѣ адава монастырѣ латхлѣ адакицы бут медна тѣ
руповѣ ловѣ, со прѣ каждонѣ монахостѣ, коли тѣ
роскѣрѣс, выгыя бы бутыдыр 300 састѣ. Дро соборо

тэлэ престоло екх руповэ ловэ пашалэ (полтинники) сыс латхлэ 250. Надур, дрэ гав Эдиссея, рашастэ Григорьянцостэ, латхлэ 632 састэ медна тэ руповэ ловэ. Дрэ форо Тверь рашастэ Гвоздѣвонэстэ латхлэ рупэса 363 састэ 80 гаспря тэ инкэ дрэван бут калошы, сапуни тэ бут вавир, со наухтылдя отэнчя амэндэ. Палсо жэ сыс адакицы бут тэ кинэс? Ответо екх: рашая скинэнас надоухтылыбнытка товары и камлэ адалэса тэ марэн амэн пиро насвало штэто. Ёнэ думиндлэ, со адалэса помешынэна бутитконэнгэ дро форо и дро гав тэ строинэн соцыалистическо хулаибэ.

Коли сыс советэнгирэ пиривыкэдыбэна рашая ракирдэ патяибнытконэнгэ, со адава нанэ дэвлэскиро рэндо. Прэ одова свэто явэла пхаро наказаниё. Коли бутярья тэ крестьянэ готовиндлэпэ кэ революцыонна свэнки, и адай на совэна „дэвлэскирэ мануша“. Дрэ бывшо Воронежско губерния ангил свэнко 1 маё дрэ 1931 бэрш рашая лыджинэ адасави агитацыя: „1 маё дрэ Советэнгири стропа лэла тэ чивэлпэ рат. Трэби сарэнгэ тэ гарадѣс“. Ваш саво рат ракирдэ ёнэ, сы полыно. Ёнэ, галёв дужакирдэ, со прэ амэндэ пэрна ваврэстронытка капиталистэ. А собы мануша тэ гарадёнпэ ракирдэ ёнэ вашэ одова, собы тэ зрискирэс демонстарцыя.

Сарэстыр адалэстыр могискирдо тэ пхэнэс только екх. Жыко 1917 бэрш духовенство кхэтанэ ваврэ эксплоататорэнца мардяпэ революцыяса. Бутитка зорьяса лынэ э власть. Отэнчя рашая кхэтанэ одолэ жэ эксплоататорэнца дро гражданско марибэ камлэ тэ тховэн прэ мэн бутитконэнгэ помешши-кос тэ капиталистос. И адава лэндэ на выгыя. Соцыалистическо строительство дрэ амарэ дывэса дро форо и дро гав лыджяла надыххло уфэдыря-кирибэ ваш бутитконэгиро джиибэ и пхэрдо хас-кирибэ эксплоататорэн. Акана рашая сарэ рэ-лигиендыр кхэтанэ эксплоататорэнца сарэ зорьятыр

марнанэ сарэ мероприятиенца, савэ пролыджяла советско-власть. На удэлапэ ли тэ рискирэс одова времё, коли екх класо сыс барвало и рикирдя э-власть дрэ васта, а вавир чёরоро, савэстэ на сыс правы и ёв бутякирдя прэ ваврэндэ. Нэ адава на удэлапэ эксплоататорэнгэ дро рясы и бирясэнги-ро. Миллионэ бутитконэн твёрдэс джяна пире прямо дром ко соцыализмо. Саро, со мешынэла бутяренгэ тэ джяс пире адава дром, ёнэ счюрдэна дрэ стро-на.

10. СО КЭРНА РАШАЯ КОЛИ ВАВРЭСТРОНЫТКА КАПИТАЛИСТЭ ГОТОВИНЭНАПЭ ТЭ ПЭРЭН ПРЭ БУТИТКОНЭНГИРИ СТРОНА

Амэ саро времё ракираса вашэ одолэ эксплоата-торэнгэ, савэ дживэна андрал амари стро-на. Нэ дрэ сарэ ваврэ государствэ хуланца сы эксплоататорэ. Одой инке зоралыдыр бутитконэн тасавэла капита-лизмо. Взрипираса, со коли сыс гражданско марибэ бут руска капиталистэ тэ помещшикэ кой-сыр улы-джыи гэра, зракхнэпэ дрэ буржуазна строны. Со жэ кэрна палэ граница сарэ адалэ рая-капиталистэ „ваши-благородия“, „их сеятельства“ тэ адякэ дуры-дыр? Кон на-кя барвало тэ слаутно, одолэстэ рэнды на-кя миштэ. Тхулыпэ, саво скэдынэ ёнэ прэ русконэ бутяренгири тэ крестьянэнгири буты набутка спыя. Исы и адякэ, со „ваша светлость“ газеты бикчэла, а на так тыраха прэ гаса жужакирэла (чистинэ). И уридо прэ „ваше сеятельство“ на сувнакунэ погоны, а рискирдэ холова. Нэ адава одолэ, кон на сможындя дрэ вавир стро-на пэскирэ барвалыпэна Россиятыр тэ пирилыджял. Чячё, лэнгэ усатаки капиталистэ помо-гискирна. Вороно вороноскэ якх на выпусавэла. Пало одова одолэ, савэн капиталистэ инке жыко револю-ция пирилыджинэ кэ пэ, нисоса французсконэ капи-талистэндыр на отличинэнапэ. Нэ, сыр бы одой тэ на явэл, одой лэнгэ ужэ на на адякэ дживэлапэ, сыр

джиндяпэ дрэ тагаритко Россия. Сарэ адалэ бэрша ёнэ чивэна ясва палэ пхурано времё тэ подточинэна штыки тэ сабли, собы инке тэ чюрдэмпэ прэ бутитконэнгири стро́на.

Парнэ эмигрантэ шукир джिनэн; со кокорэ ёнэ ни́чи тэ кэрэн на могискирна. И окэ ёнэ обмарна проги ваврэстронытконэ капиталистэндэ, вымангэна лэндыр по́мошшь.

Со жэ ракирла лэнгэ ваврэстронытко буржуазия? Джяла ли ёй тэ кэрэл военно по́ходо прэ советэнгири стро́на: Ваврэстронытконэ капиталистэнгэ дрэван кофитко тэ хаськирэс бутяритко - крестьянско республика. Амэ дрэван шукир пролыджяса панджэбэршытко. Бутярья тэ колхозникэ сыго уфэдырякирна пэскиро джи́ибэ. Со жэ выджяла? Пэрво одова, со соса дурыдыр, одолэса соцыализмоскири стро́на кэрлапэ уса зоралыдыр тэ зоралыдыр. Выджяла, со соса дурыдыр, одолэса трашаныдыр тэ джяс прэ амэндэ марибнаса. Второ одова, со амарэ миштэ рэндэ сыкавэна дром ваврэ стронытконэ бутяренгэ. А адава дром джяла пирдал революцыя. Исы соскэ тэ дарэн капиталистэнгэ, савэ инке сы хуланца палэ граница. А сыр ёнэ хулаякирна? Кажно думинэ ваш пэскири только кисык. Коли кофо нанэ, капиталисто о за́водо за́кэрла, а сарэ бутярси палэ удэры. Гин-со паш сарэ бутярендыр дрэ сарэ капиталистическа строны сы бибутякиро. Бут лэндыр, собы тэ на мэнчисос, умарна кокорэ пэс. Лынаса дро 1931 бэрш дро Берлино сыс адасаво рэндо. Бибутякиро умардя тринэ чявэн тэ ромня, а отэнчя и ко́коро пэс карэдынятыр. Дрэ Германия, дрэ средне́ кажно екх мардо кон на яви умарла пэс.

Джяса дурыдыр. Коли бутярендэ нанэ ловэ, то э помещши́коскэ нанэ ка́рик о маро тэ кэрэл. Ёв би́кофоскиро адыкэ жэ на бикнэла. Со жэ кэрна о помещши́кэ? Ёнэ отлыджяна маро про корабли дро морё и счюрдэна лэс дро паны. Коли маро ачелапэ

тыкныдыр, то пал лэстэ кучидыр дэна. Выджяла адасави патрин. Бутяри на пирилыджии бокх, джяла тэ тасадёл дро паны и адай жэ помешшикэ тасавэна о маро, собы пало остально тэ лэс кучидыр. Окэ сыр кэрдо сы капиталистическо хулаибэ. Капиталистэ на джинэн карик тэ кэрэн товары — адыкэ лэн бут, а бутярья мэрна бокхатыр.

Со жэ кэрна бутярья ваш адава, собы тэ облокхякирэс пэскиро джиибэ? Каждонэ дывэсэса уса бутыдыр тэ бутыдыр бутярнэ упатякирнапэ дрэ одова, со только пролетарско революцыя откэрла лэнгэ дром кэ бахтало джиибэ. Палэ революционно буты буржуазия кирнякирла лэн дро старибэна, сэндякирла розмарла и простэс дэла карье дрэ бутяритка демонстрацыя карэдынендыр тэ пулемётэндыр. Нэ адава на урикирла революцыя. Тысэнцэ бутярэн мэрна дро марибэ буржуазияса ваш одова, собы тэ освободинэс миллионэ пшалэн пиро класо капиталистическонэ тасайбнастыр тэ бокхалэ мэрибнастыр. Панджэбэршытко сыкавэла бутярэнгэ дрэ саро свэто, сыр дрэ социализмоскири стро́на уфэдырякирна пэскиро джиибэ бутитка, кай ёне кокорэ хулая. Дрэван бут ваврэстронытка бутярья чюрдэна буржуазна государствэ и явэна дрэ Советско Союзо, собы кхэтанэ русконэ бутяренца тэ кэрэс социализмо. Ваврэстронытка бутярья бичявэна кэ амэ пэскирэ делегации, собы ёнэ тэ подыххэн, сыр амэ создаса нэво миро — социализмоскиро миро. Ёнэ сыклёна амэндыр одолэскэ, сыр, рисии палэ, тэ кэрэс одова жэ, со кэрдэ лэнгирэ руска товариши.

Кэ Октябрьско годовшшина кэ амэ сыс явлы бари ваврэстронытко бутяренгири делегация. Ёй обдыкхья, гин со сари амари стро́на. Окэ со чиндя дрэ газета немецко бутяри Пикарек: „Мэ банго тэ пхэнав, со дрэван дивисалыём, коли удыкхьём гигантско социализмоскиро строительство дрэ СССР. Адава сы адай дро одова времё, сыр дрэ капиталистическа

строны на только ничи на строинэлапэ, нэ саро рос-
пэрлапэ. Саро времё мандэ сыс дрэ годы и мэнчя-
кирдя ман одова: состыр жэ нашты тэ кэрэс советско
Германия? Аи, акана мэ упатякирдёмпэ, со адава
можно тэ кэрэс“.

Амэ только радаса могискираса тэ гинас адалэ
немецконэ товаришшёскирэ лава. Нэ капиталистэ
инкэ бы шэла и тысэнцэ бэрша камлэ тэ пьен бутя-
рендыр о рат, тэ дживэн сыр трутни и тэ купинэнпэ
дрэ сувнакай. Со жэ ёнэ думинэна вашэ революцы-
оннонэ бутяренгэ дрэ пэскири строна и вашэ совет-
сконэ стронакирэ бутяренгэ? Ёнэ камэн чюпненца,
барэ кхэрэса, карадыненца и меньшэвикэнгирэ по-
мошшыса тэ тховэс прэ чянга пэскирэ бутярэн. Нэ
бутярья фэдыр мэрна дро марибэ капиталистэнца, со-
са тэ дужакирэс трашано мулыпэ бокхатыр. И адай сыр
дрэ Россия, класо джяла прэ класо.

Прэ конэскири жэ строна католическа, лютеранска
тэ ваврэ рашая? Подыкхаса, соса залэлапэ шэро сарэ
католикэнгиро — папа римско, коли бибутякирэ мэрна
бокхатыр, коли бутярья то адай, то одой джяна дро
марибэ капиталистэнца. Лынаса дро 1931 бэрш папа
римско ракирдя пиро радио. Со жэ ракирдя ёв?
Папа „розьясниндя“ бибутякирэнгэ, со бибутякирибэ
бичявэла дэвэл пало одова, со ёв камэл дрэван ма-
нушэн. Одолэскэ, қон бутякирла, нанэ коли тэ ман-
гэспэ. Ди одолэскиро могискирла, тэ попэрэл дро
адо ягитко. Вавир рэндо бибутякирибэ. Адай дрэван
бут времё ваш одова, собы тэ вымангэс тэ простинэс
о грэхи. Чячё, трупо бокхатыр шутёла, нэ адава то
и трэби. На вашо трупо, а вашо ди сыклякирдя
христосо тэ заботисоспэ. Бибутякирибэ—бари бахт,
бичяды дэвлэса. Ангелы отлыджяна бибутитконэнгирэ
ди прямэс дро раё. Дурыдыр свэнто дад взрипирдя
бибутитконэнгэ ваш одова, со кокоро дэвэл кэрдя
неравенство. Со адыкэ банго тэ явэл саро джиибэ.
Коли капиталистэ сы, то адава адыкэ дэвлэскэ трэби.

На манушэнгэ тэ парувэн, со утходя дэвэл. Тэ терпинэс, тэ терпинэс, тэ инкэ моло тэ терпинэс дрэ адава джиибэ, а пало адава авэла про болыбэ раё. Кон на лэла сыр христианино тэ пирилыджял капитализмоскирэ меньки и лэла тэ газдэл революцыя — сарэ джяна дрэ смола адско прэ вэки вечна.

Окэ соскэ сыклякирдя папа римско бутярен дрэ саро свэто. Конэскэ трэби адава? Савэ класоскэ? Конэскиро васт подрикирла свэто папа? Палэ бокхалэ бутярендэ ёв или палэ капиталистэндэ, савэ на могискирна тэ дэн гондя тхулыпнастыр? Конэскэ ёв долыджялапэ дадэса — бутяренгэ или э капиталистэнгэ? А о папа пхэндя, одова, со ракирна немецка, французка тэ ваврэ рашая кажно дывэс. Сарэ ёнэ цыпатыр выджяна, собы только тэ уракхэс капитализмо революцыятыр.

Амэ адай ракирдям вашо ваврэстронытконэ бутяренгэ. Подыхаса жэ со готовинэна капиталистэ вашо Советско страна, кай бутярья кокорэ хулая. Советсконэ бутярендэ рипирибэ лачё. Амэ рипираса, со кэрдэ ваврэстронытка капиталистэ, коли сыс гражданско марибэ. Отэнчя лэндэ рэндо розпыапэ. Нэ акана ёнэ инке бутыр холясона прэ амэндэ, соса отэнчя. Амэндэ барьёла соцыализмо, а лэндэ хулаибэ саро прокирныя, сыр пхурано дрэво. Уса бутыдыр тэ бутыдыр бутитка дрэ саро свэто выджяна прэ революцыякиро тэ соцыализмоскиро дром. Окэ палсо пхарадёна прэ амэндэ холятыр капиталистэ. Ёнэ бы камнэ дандэнца тэ розтасавэн Советско страна дрекх дывэс, нэ данда лэндэ ужэ пхурэ тэ шатынэнапэ. Кэ одова жэ пиро адалэ данда марэна на только советска бутитка, нэ и бутитка дрэ сарэ строны. Окэ состыр дарна адалэ рува.

Нэ пошунаса сыр шыпинэна адалэ капиталистическа сапа. Дрэ 1931 бэрш екх венгерско помещшико, ёв жэ банкиро тэ графо, пиро вурма Карольи пхэндя адякэ: „Панджэбэршытко плано... выкэрлапэ дрэван

шукир... трэби сыгыдыр тэ скэдэс бутэ шэлэ тысэн-
цэндыр манушэнгири наемно армия, тэ дэс лакэ танкэ,
аэропланэ тэ ад. дур. Адалэ армияса трэби жэ екха-
тыр тэ кэрэс пэрибэ прэ Советско Союзо". Дрэ
адалэ лава пхэндло саро откэрдэ дёса. Капиталистэ
на камэн тэ домэкэн соцыализмоскири стройка. Вашо
адава ёнэ готовинэна марибэ Советсконэ стро­на­са.
Дурыдыр адава жэ банкиро ракирла адыкэ: коли
амэ Советско Россия на розмараса, то ёй узора-
лякирлапэ, и отэнчя тэ пэрэс прэ латэ явэла ужэ
нашты. Отэнчя дрэ саро свэто кэрлапэ революцыя
и явэла советско власть.

Окэ состыр дарна капиталистэ. Ёнэ пало адава саро
времё готовинэнапэ ко марибэ против СССР. Пуле-
мёты, орудии, танки, газы, аэропланэ — окэ со гото-
винэна ёнэ ваш амэнгэ. Дажэ заразна насвалыпэна
лэна тэ мэкэнпэ дро фано тэ паны, собы сыгыдыр
тэ мулякирэс бутитконэн дрэ свободно республика.

Нэ капиталистэндэ пало екх шэро дукхала. Сыр
тэ традэс пэскирэ бутярен прэ советсконэ бутярендэ?
Орудыё трашано тэ дэс пэскирэ бутяренгэ. Бутярья
дро васта орудыёса лэнапэ тэ марэн на советсконэ
бутярен тэ колхозникэн, а пэскирэ капиталистэн.
Трашано тэ залыджяс марибэ бутитконэ стро­на­са.
Капиталистэ пхагирна пэскэ о шэро, сыр бы тэ
холякирэс пэскирэ бутярен прэ амэндэ. И адай лэнгэ
явэна прэ помошшь рашая. Рашая джинэн, со лэндэ
инкэ сы бут паства. Пастыри традэна карик ками
пэскири паства. А на выджяла ли со адалэстыр, коли
тэ вытрадас адая паства про марибэ Советсконэ
Союзоса? Вашо адава трэби токо тэ ухтылэспэ палэ
бутитконэнгири религиозность. Трэби бутыр тэ хо-
хавэс прэ большэвикэнгэ. Трэби тэ холякирэс рели-
гиознонэ бутитконэн прэ соцыалистическо стро­на.
Нэ рашангэ тэ хохавэс тэ на присыклёс. Пошунаса
жэ, со ракирна рашая пэскирэ паствакэ ваш Совет-
ско Россия.

Дрэ Германия рашая мэкклэ адасаво шуныбэ. Большэвики обчивэна паняса рашан дрэ штардэшаградушно мразо. Замразякирдэ рашан, чинэна прэ котэрорэ тэ хана. А окэ инке екх рашангиро хохаибэ. Дрэ Россия, хачита, лэна рашас и припхандэна ко васта тэ гэра 4 грэнгирэ. Отэнчя грэн розтрадэна дрэ разна строны и розрискирна прэ котэра „бибахталэ рашан“. Дрэ Америка рашая мэкклэ шуныбэ, со о бидэвлыт-карья запхандэна дрэ кхангири рашан и взрискирна отэнчя динамитоса. Дрэ бут строны рашая розракирдэ, со ко рождество дрэ 1930 б. дро Москва яндлэ епископос Воронежсконэс. Прэ Лолы площ-шадь дрэ баро котло вскипятиндлэ 40 вэдры паны. Дро кипяшшэ паны адалэ епископос змэкклэ дрэ саро кхангиритко урибэ и кэрадэ зуми. Ваврэ рашан затходэ тэ хас адая кэрады прэ епископостэ зуми и трашадэ; на лэса тэ хас и тут скэраваса.

Можно тэ подуминэс, со адалэ духовна хохаиб-нарья годятыр сгынэ. Нэ адава нанэ адякэ. Ёнэ джи-нэна ваш со и ваш конэскэ ёнэ, хохавэна. Адалэса ёнэ камэн тэ холякирэн прэ амэндэ сарэ бутитконэн, савэндэ инкэ ачъяпэ религиозно тумано дро шэро. Рашая помогискирдэ и помогискирнэ пэскирэ капиталистэнгэ тэ бичявэс ваврэ стронитконэ бутярен прэ советсконэ бутярендэ. Рашая дажэ придумис-кирдэ сыр тэ кэрэс адава марибэ. Трушылытко похода — окэ лав адалэ марибнаскэ. Вэснаса дрэ 1930 бэрш сыс придыкхло капиталистэнца тэ рашанца адава трушылытко похода. Нэ рэндо и адай на вы-хачия. Бутитка дрэ сарэ строны екхатыр опынэ, со трушылытко похода кхандэла на ладаноса, а э поро-хоса тэ советсконэ бутитконэнгири ратэса. Бут бутя-рендыр вытрадэнас пэскирэ штубэндыр аври рашан, савэ трушылэса дро васта уракирдэ тэ джяс прэ марибэ большэвистсконэ Россияса. Дрэван бут патя-ибнытка пириячлэ тэ патян дрэ рашандэ тэ дэвлэндэ. Капиталистэ тэ лэнгирэ харты — рашая только про

кхэлдэ прэ адава ратуно рэндо. Бутярья лынэ инкэ бутыдыр тэ на камэн капиталистэн. Адалэстыр рашандэ паства ачъя тыкныдыр.

А со жэ кэрдэ амарэ андралатунэ класова вороги, дрэ одова времё, коли ваврэстронытка капиталистэ готовиндлэпэ кэ марибэ? Кулаки, меньшевики тэ бывша тагаритка уче служаки залынэпэ холыкэрибнаса и готовиндлэ тылостыр вооружонно помошшь ваврэстронытконэ капиталистэнгэ. На отачлэ и рашая пэскирэ пхуранэ компаниятыр. Прэ Украина рашая лыджинэ агитацыя против Советско власть.

Ёнэ готовиндлэ кулачествоскиро ғаздыбэ. Ёнэ пиридынэ дрэ Польша шпионска сведенияи ваш Лолы армия, собы тэ помогискирэс полякэнгэ тэ заухтылэс Украина. Рашая тэ монахи пиро сари страна дужакирдэ марибэ, сыр вэсна. Колхозникэнгэ ракирдэ: „чюрдэ колхозо, уса екх тэ злэс маро на приывэлапэ“, а екхкхэритконэнгэ ракирдэ: „джяса дрэ колхозо, явэса убладо прэ фэлы“. Рашандэ тэ монахэндэ латхэнас дажэ оружыё. Со камлэ, кэ со готовиндлэпэ адасавэ рашая? Ёнэ камлэ, енэ готовиндлэпэ, ёнэ дужакирдэ, дужакирна жыко ададывэс адасави мэнта, собы сыс удобно коли пэрна прэ капиталистэндэ, тэ змэкэс чюри дрэ думо одолэнгэ, кон зашшитинэла соцыалистическо страна.

II. КАРИК ТЫРДЭНА СЕКТАНТЭ

Амэ сарэ ракирдям вашэ рашангэ. Амэ про бут сыкаибэна дыкхьям, со рашая ғаратунэ бутитконэнгирэ вороги. А кон адасавэ сектантэ? Сектантэ сы разна: евангелистэ, баптистэ, адвентистэ, молокане, духоборэ, трясунэ, прыгуны, летуны тэ бут ваврэ. Соса отличинэлапэ пхэнаса, религия адалэ дуге сектэнгирэ православнонэ религиятыр? Бут думинэна, со сектантэ дрэван зоралэс отличинэнапэ православнонэндыр. Адава начячё. Сектантэндэ нанэ

кхангиритка богослужэний, нэ сы пэскири мангип-
нытко. Сектантэндэ нанэ длэнгонэ поденца ращан,
нэ исы проповедники. Евангелиё тэ библия сектантэ
адякэ жэ гинэна сыр и православна. Сектантско рели-
гия—адава адасаво жэ религиозно ядо только
прэ дыкхибэ вавир. А сыр жэ отлыджянапэ сектантэ
кэ Советско власть? Дрэ адава пучибэ трэби шука-
ринькэс тэ роскэдэспэ. Сектантэндыр-бутитконэндыр
нанэ бут советсконэ властякирэ вороги, надыхи
прэ одова со, религиозность лэнгири и янэла фуипэ
социалистическонэ строительствоскэ; нэ машкир
сектантэндэ исы и эксплоататорэ бывша и ака-
кунэ. Одой бут бывша помещшикэ, капиталистэ, тага
ритка чиновникэ и буыр сарэстыр кулакэ. Адава
бутыдыр сарэстыр проповедникэ, благовестникэ тэ
члены дрэ сектантска общины. Так окэ адава шэро
эксплоататорэндыр—холямо тэ активно советсконэ
властякирэ ворого. Ёнэ дрэван чястэс и кокорэ на
патына пэскирэ религиознонэ парамысенгэ, нэ лэнгэ
трэби тэ холякирэс сектантско масса прэ советско
власть.

Придыкхасапэ пофэдыр ко сектантска барэдыра.
Шэритко дрэ. евангелистэнгири секта Проханово дрэ
1927 бэрш получискирдя ваврэстронытконэ капита-
листэндыр шэла тысэнцэ састэ. Состыр жэ загранично
буржуазия на тангискирла адасавэ ловэ? Паладава,
со адай помогискирла пэскиро пэскирэскэ. Ваврэст-
ронытка капиталистэ вычюрдынэ тысэнцэ паладава,
со адалэ ловэ гынэ прэ контрреволюция, паладава,
со яндлэ фуипэ советсконэ властякэ.

А акана сектантска шэритка сыклякирна пэскири
паства тэ на джяс дрэ Лолы армия. А со ёнэ чиндлэ,
коли сыс марибэ Германияса? Ёнэ кхардэ рядовонэ
сектантэн тэ тэрдёс „палэ тагаристэ-дадорэстэ“ ...
Дрэ 1905 бэрш сектантска лыджяибнарья оружыёса
дро васта вашшитиндлэ помещшикэн тэ тагарис. Дрэ
бэрша, коли сыс гражданско марибэ, прэ одоя фрон-

тоскири страна, барэдырэ лыджинэ агитацыя, собы сектантска бутитка тэ джян тэ марэнпэ палэ парнэндэ. Пиро адая страна сектантска лыджяибнарья на домэклэ, собы сектантска бутитка тэ марэнпэ палэ революцыя. Нанэ пхаро тэ полэс конэскиро васт тырдыя эксплоататорско сектэнгиро упралыпэ. Рядова сектантэ, обхохадэ пэскирэ лыджяибнытконэнца, чястэс гынэ кхэтанэ помещшыкоса прэ пэскирэ пшалэстэ бутяристэ тэ крестьяниностэ. А палэ кокорэ то лыджяибнытконэндэ и тэ ракирэс на приявэла, ёнэ полыне со кэрдэ, и кэрдэ адава камаибнаса, бутякирдэ вашэ парнэнгэ, ками тэ рискирэс палэ пхурано джиибэ.

А сыр жэ отлыджинэпэ сектантэ кэ соцыализмоскиро строительство? Вэснаса дро 1931 бэрш прэ Донбасо, дрэ форо Константиновка, прэ стэклытко заводу „пшалорэ“ Букино тэ Букаренко лыджинэ агитацыя адякэ: „соцсоревнованиё тэ ударничество — рэндо антихристоскиро“. Дрэ бут штэты сектантэ лавэндыр пиригынэ ко рэндо. Прэ адава жэ Донбасо, дрэ шахта пиро лав „Луганско Правда“ 11 мануша сектантэ пофроми хаскирдэ инструментэ тэ машины. Полыно, со выбутякирибэ адалэстыр тыкнякирдяпэ. Адалэстыр дыкхло, со сектантэ инке фэдыр рашастыр джинэн тэ кэрэн фуипэ промышлэнностякэ. А сыр дыкхэна сектантэ прэ колхозэ? Амэ джинас, со кулако само баро колхозоскиро ворого. Нэ кулакоскэ нанэ кофитко тэ пхэнэс прямэс дрэ якха чё-рорэскэ: на джя дро колхозо паладава, со мангэ, кулакоскэ, адава — чюри дро ило. Лэс на пошунэла чё-роро. Кулако дэла адава рэндо рашаскэ тэ сектантоскэ. Адякэ сыгыдыр выджяла. Рашай тэ сектанто ракирна фрэнтыдыр: на джянте дрэ колхозо, паладава, со адякэ дэвэл на камэл, а вашэ кулакоскэ ёнэ только думинэна, нэ ничи на ракирна. Дрэ 1931 бэрш дрэ Московско область, дрэ Каверинско гавитко совето сектантка Цаплина мэкья адасаво шуныбэ: „Дрэ пэрво августо явэла болыбнастыр кокоро христосо и пири-

ублавэла сарэ колхозникэн“. Пирдал адава ракирибэн 17 патяибнытка колхозникэ трашандынэ и выгыне колхозостыр. Кулакоскэ, сыр дыкхло адатхыр, дрэван кофитко сектантско чиб тэ парамыся вашэ христоскэ. А окэ сыр ёнэ инкэ марнапэ колхозэнца. Дро гав Кузьминско (Северно Кубань) лынаса дро 1931 бэрш выгыя окэ со. Явлэ колхозницы кэ ганынга. Дыкхэна пашыл ганынга о пхуроро бэшло.

Пхуроро подкхарла кэ пэ колхозницэн тэ ракирла лэнгэ, со ёв сыс дрэ Египто и яндя одохтыр бут састякирибнытко ладано, „Лэнте ладано, розлыджянте дро паны, и адалэ свэнтонэ паняса дэнте пане ското ваш састыпэ“. Колхозо сыс балычерозлыжяибнытко. Религиозна колхозницы патяндынэ пхурэскэ, лынэ „ладано“ и дынэ пане балычен. И окэ со выгыя. Балыче екх палэ екхэстэ лынэ тэ мэрэн. Попрастандынэ кэ ганынга. Одой пхурэс ужэ на сыс. Кхардэ састыпнаскирэс. Састыпнаскиро пхэндя, со балыче сы отравискирдэ мышьякоса. Сыгэс „странникос“ ухтылдэ. Выгалыяпэ, со адава сектанто баптисто, савэстэ сыс дрэ прогынэ бэрша пэскири мельница. Лэстэ латхлэ дрэван бут адава „ладано“.

Дрэ бут штэты сектантэ мэкэна „лолэ башнэс“ прэ колхозна постройки тэ маро. Дрэ екх только Меленковско районо бывшо Владимирско губерния сектантэ кэрдэ штар подхачкирибэна дрэ колхозэ. Со жэ домарнапэ сектантэ? Адава амэ удыххаса окэ адалэ фактостыр. Коли сыс само розхачибэ дрэ вэснытко посевно кампания дрэ Чювашско республика, дрэ гав Опиры сектантэ лыджинэ агитацыя: „На зачинэнпэ дрэ колхозо, пхув комунистическо, а кхэтанэ пхувьяса получискирна нечисто духо. На засеинэнте фэлды. Коли никон на лэла тэ сэинэл, саро Советско Союзо ачелапэ на засеянонэса, и отэнчя Советско власть хасёла“. Адай ужэ сектантэ на вырикирдэпэ и выпхэндлэ пэскирэ камаибэна. А адалэ камаибэна—тэ хаськирэс Советско власть и тэ рискирэс палэ

власть помещикэнгэ, капиталистэнгэ тэ кулакэнгэ. Коли роскэрдэ адалэ сектантэн, то выгалыяпэ, со гин: со сарэ ёнэ сыс кулакэнца (Герасимово, Федорово, Николаево, Кузьмино).

Сектантска лыджяибнытка инке бутыдыр соса рашая помогискирна ваврэстронытконэ капиталистэнгэ - интервентэнгэ.

Дрэ Цэнтрально черноземно область бутякирдя федоровцэнгири секта. Лыджяибнытконэнца одой сыс кулаки. Ёнэ лыджинэ контрреволюционно агитация, подхачкирдэ колхозэ, умардэ советсконэ бутярен. Федоровцэ чёраханэс рахлэ бут оружие и даже про-лыджинэ военно сыкляибэн. Палсо жэ адава лэнгэ сыс трэби? Тэ полэс нанэ пхаро. Федоровцэ готовиндлэпэ оружиёса дро васта тэ помогискирен ваврэстронытконэ капиталистэнгэ тэ пэрэс марибнаса прэ Советско страна. Адая секта рикирдя спхандыпэ ваврэ стронэнца и получискирдя одотхыр ловэ.

Акана можно сы тэ подлыджяс результатэ амарэ оджиндлякирибнаскэ сектантэнца. Пэрво сы одова, со **сектантска активистэ - лыджяибнытка — адыкэ жэ сыр и о рашая, эксплоататорэ, сы кулакэнгирэ тэ эксплоататорэнгирэ зашшитникэ.** Второ сы одова, со машкир рядовонэ сектантэндэ сы бут бутитка, савэ сы дрэ васта класовонэ ворогэндэ. И адалэстыр, со адалэ бутитка сы дро секты ёнэ янэна дрэван баро фуипэ социалистическонэ строителъствоскэ, а адалэстыр сы полыно, со и жокорэ пэскэ.

Коли сектантэ - эксплоататорэ сознательнэс марнапэ соцстроителъствоса, то **сектантэ - бутитка, чястэс на полэна одова, со пэскирэ религиозностяса зарикирна социалистическонэ стройкакирэ тэмпы.**

Учидыр амэ дыкхьям, со сектантска лыджяибнытка адасавэ жэ сыр и о рашая, сы революциякирэ и амарэ строителъствоскирэ вороги. Адай могискирна тэ пхэнэн, а жокори сектантско религия янэла фуипэ или на? Нанэ ли бангэ адай только екх сектантска лыд-

жяибнытка? Прэ адава трэби тэ пхэнэс адякэ: Сари религия, а кхэтанэ ласа и сектантско сыкляибэ евангелистэндэ баптистэндэ, адвентистэндэ и ад. дур. сы враждебно революциякэ тэ соцыалистическонэ строительствоскэ. Сектантско сыкляибэ запхэнэла тэ прилэс учястиё дрэ революцыонно марибэ, ракири вашо камаибэ ко пашылатуно, на роскэдыи кон явэла адава „пашылатуно“ — капиталисто, кулако или бутяритко.

Сектантско сыкляибэ джяла против соцыалистическо стройка тэ колективизация. Сектантэ дужакирна второ моло дэвлэс-христос, савэс нанэ, дужакирна райско блажэнство, отпхэнэнапэ колективнэс тэ строинэн бахт прэ пхув. Сектантско сыкляибэ сыклякирла тэ дужакирэс помошшь э болыбнастыр, отлыджяла марибнастыр пало агротехника тэ урожаё, пало организационно хулаибнытко колхозскиро узоралкирибэ. Паладава, коли сы сектантска обшшины, дрэ савэ нанэ „бывша“, нанэ кулакэ, то уса екх ёнэ янэна фуипэ. Сектантско идеология — адава брэвно прэ соцыалистическонэ стройкакиро дром.

12. ЧЯЧЁ ЛИ СО РЕЛИГИОЗНОСТЬ НО МЕШЫНЭ УЧЯСТИЁСКЭ ДРЭ СОЦЫАЛИСТИЧЕСКО СТРОИТЕЛЬСТВО

Жыко адая пора амэ роскэрдям контрреволюцыонно духовенствоскири буты. Амэ угалыям, со рашая монахэ тэ сектантска лыджяибнытка — адава вечна эксплоататорэ. Адава рува, савэ уридэ прэ пэстэ бакраны цыпа. Ёнэ саро времё сы кхэтанэ эксплоататорэнца и дрэ саро лэнгэ помогискирна. Нэ могискирла тэ явэл, со попэрнапэ и лаче рашая, нахолямэ, смирна, со трэби только тэ подкэдэс лаче рашан, и саро явэла шукир, нисаво фуипэ бутитконэнгэ лэндыр на явэла. Адасаво полэйбэ нанэ чячюно. Духовэнство только и бугякирла эксплоататорэнгэ: религия, са-

вьякэ служынэна рашая — бутитконэнгиро ворого, религия сыклякирла бутитконэн покорностякэ тэ сми- рениёскэ, ёй запхэнэла лэнгэ тэ марэспэ пэскирэ та- саибнарьенца, ёй ракирла, со трэби тэ бандякирэс думо тэлэ эксплоататорэнгиро пхарипэн, паладава, собы сыс мишто пало гробо, ёй замарла бутитконэн- гиро шэро лавэнца вашо камаибэ тэ терпение, ос- вэнтякирла тасаибэ тэ эксплоатацыя. Чёрорипэ, бокх, бибутякирибэ дэвлэстыр — ракирна рашая, дэвэл би- чявэла меньки палэ грэхи, а пало адава на трэби тэ марэспэ пало лачё джиибэ, а тэ мангэспэ и тэ тер- пинэс. Адыкэ сыклякирла религия, адыкэ сыклякирна рашая. Конэскэ адава сыкляибэ кофитко? Полюно, со помещшикэнгэ, фабрикантэнгэ, кулакэнгэ. Рэндо нанэ дрэ одова, со лачё или наладё сы кокоро ра- шай. Бутяriskэ прэ капиталистоскири фабрика, пис- харискэ дрэ помещшикоскиро имениё нанэ рэндо жыко одова, лачё ли мануш лэскиро хулай или на, коли адалэстыр никицы нанэ локхыдыр, коли таса- вэла „ладё“ фабриканто или помэшшико. Вашо бу- титконэнгэ уса екх адыкэ жэ, отравискирла лэс религиознонэ дурманоса „ладё“ или наладё рашай. Кокори религия янэла фуипэ бутитконэнгэ, на до- мэкэла лэн тэ кэрэл нэво, соцыалистическо обш- шество.

Акана бутитка кэрна соцыализмо. Эксплоататорэ кхэтанэ духовенствоса марнапэ соцыализмоса. Нэ машкир бутитконэндэ бут инке религиознонэн. Ёнэ адыкэ жэ кэрна соцыализмо. И окэ бут патяибнытка бутитка чястэс ракирна, со лэнгири религиозность никицы на мешынэ амарэ строительствоскэ. Чячё ли адава? Роскэдасапэ жэ. Пэрво одова, со патяибнытко бутитко сы дрэ духовно плено пэскирэ пастырендэ, сыр мачё прэ вэндыца. Карик пастырё закамэла, одо- рик и тырдэла о стадо. А карик дыкхэна кокорэ адалэ пастыри, амэ ужэ дыкхьям прэ факты Бут чё- рорэ тэ середняки на вджяна дро колхозо только пало

одова, со пастыри рикирэна лэн дрэ религиозна пэнты. Гарыдыр амэ роспхэндям случяё, коли патяибнытко подхачкирдя колхозо, пало адава со рашай пхэндя: адякэ дэвлэскэ трэби. Со жэ выджяла? Духовенство тэрдо прэ контрреволюцыякири страна. Рикири палэ религиозность, ёв урикирла прэ кулацко страна бутэ бутитконэн — патяибнытконэн. Религиозность помогискирла одолэскэ, со бутитко попэрла кэ амарэ холямэ класова вороги.

Нэ адава инкэ на саро. Напатяибнытко бутяри дрэ религиозно свэнко на выджяла прэ буты. Станко патяибнытконэ бутярискиро лэла тэ тэрдёл сыр муло. Прэ заводу буты бутяса спхандэлапэ. Дыкхэса, и пашылатунэ станки лэна на адякэ тэ бутякирэн. Выджяла надовыбутякирибэ. Кон адай банго? Банги религия, сави бэшлы дрэ годы патяибнытконэ бутяристэ.

Кэ одова жэ патяибнытко бутяри дужакирэла э бахт про болыбэ, дрэ райско садо. Адава тэлякирла камайбэ тэ кэрэс бахт прэ пхув. Трэби, собы кажно бутяри па яндыя на дрэ дэвлэскири зор, а дрэ пэскири класоскири зор, сави тэлэ комунистическонэ партиякиро лыджяибэ кэрла бахт прэ пхув вашэ сарэ бутитконэнгэ.

А сыр жэ рэндо дрэ гав? Колхозэ сы екх дром ко лачё джиибэн ваш чёрорэскэ тэ середнякоскэ. Нэ религиозность частэс урикирла екхкхэритконэс вгыбнастыр дрэ колхозо. Дрэ колхозо на явэла рашан дрэ колхозо — бидэвлыткарья, коли дэвэл закамэл, би колхозоскиро ласа тэ дживас шукар, бахт дэла на колхозо, а дэвэл болыбнытко, саро сы дэвлэскирэ камайбнастыр, бидэвлэскиро на шагэ жыко прого — адякэ, частэс ракирла патяибнытко екхкхэритко. Религия припхандэла лэс ко кулако, кэ рашай, соха тэ чёрорипэ дрэ екхкхэритко хулаибэ.

Чячё, дрэ колхозэ инке осенякиро дрэ 1931 бэрш вгынэ бутыдыр, соса 60 проц. чёрорэ — середняцка хулаибэна. Бутэн религия на зарикирдя. Нэ и дро кол-

хозо религия анэла баро фуипэ. Колхознико — бидэв-
лыткарн пхэнэла, со трэби тэ сеинэс сортовонэ от-
борнонэ зерноса. Патяибнытко колхознико взрипирла
рашаскирэ лава: „помангпэ дэвлэс тэ сеинэ хоть э
прахоса“ Авья зашуткирибэ. Бидэвлыткарн кэрла фэл-
дэнгиро почибэ. Патяибнытко пало молебны залы-
джяла ракирибэ. Гынэ вредители. Бидэвлыткарн ра-
кирла, со пало ядо трэби дро форо тэ джяс. Патяиб-
нытко ракирла, со свэнтонэ паняса трэби фэлда тэ
покропинэс. Сево дрэ само розхачибэ. Кажно мардо
куч. А адай тукэ троица. Бидэвлыткарн дрэ фэлда
прэ буты. Кажно дывэс бэрш чялякирла. Патяибнытко
дрэ кхангири, а на так про полати. Вавир моло дрэ
фэлда зёрно сыр бришынд, колосостыр чивэлапэ. Бидэ-
влыткарн ратяса явэла прэ укэдыбэ и ратяса уджяла.
Патяибнытко жэ пролыджяла сарэ свэнки о „спасо“.
„Илья“ и инке сави наяви „пречисто дева“, Пало
саро бэрш религиозна свэнки кхэтанэ воскресениенца
тэ „престольнонэнца“ стховэла вавир моло 98. Гин,
со 100 дывэса сы ваш свэнто холыкэрибэ дрэ гавитко
хулаибэ. Колхознико — бидэвлыткарн выджяла прэ бу-
ты дыкхи прэ погода. Бэрш про бэрш на приджялапэ.
Прэ соревнованийёскири основа колхозэ, коли сы лачи
погода, кэрна раныдыр пахота, сево, укэдыбэ. Патяиб-
нытконэстэ пэскирэ дэвлакунэ сроки. Саро ростходо
пиро свэнтонэндэ. Ерёма — роспрягальнико, Елена —
льняница, Ирина, — россадница, Иово — гирилытко,
Леонтиё — огуречнико, Акулина — залучкир порья.
Адая свэнто будто оттырдэла оводэн гурувнендыр.
Остальна * утховэна севоскиро времё, Исы свэнта пиро
укэдыбэ. Наталья — овсянница, Анна — скирдница, Ни-
кита — репочиныбнари, Николаё — кочяннико, Прас-
ковья — трепальшица. Патяибнытко сарэндыр лэн-
дыр дужакирла лачё урожаё прэ разно марэ.

Акана дрэ колхозэ дрэван баро задыбэ-тэ газдэс
урожайность. А газдэса ли урожаё адалэ свэнтонэнца?

На тыкныдыр задыбэ дрэ колхозэ тэ роскхувэс

животноводство. Колхозникэ бидэвлыткарья джинэн сыр тэ кэрэс адава задэибэ: тэ хаськирэс обезличка тэ уравниловка дрэ псирибэ палэ ското, силосованиё чяраибэна, уфэдырякирибэ породы, лаче шталы, коли ското насвалёла — ветеринаро. А карик тырдэла патяибнытко? Лэстэ и адай латхэнапэ свэнта прэ кажнонэ животнонэстэ отдельнэс. Фроло тэ Лавро — грэнгирэ, Власиё — грурувнитко, Терентиё — кагненгиро, Зосимо соловецко — пиро бырлендэ. Лэндыр, хай о грая крэнгла, гурувня тхудытка, и о бырля ягвинлыджяибнытка. Окэ карик тырдэла религия. Ёй отлыджяла патяибнытконэ колхозникос чячюнэ дромэстыр. Ёй запхандэла лэскэ о якха. На домэкэла сарэ дугэрэнца тэ тэрдёл про дром, саво сыкавэла комунистическо партия, А адава дром — колективно буты, узорьякирдо ударничество тэ соцсоревнованиё. Чячюны адалэ бутякири организаця сы машинизаця, агрономическо джиныбэ.

Нэ адава инке на саро фуипэ религиятыр. **Религия на дэла тэ роскхувэлпэ культуракэ.**

Патяибнытко чястэс дарэла школатыр, газетендыр, гиныбнытконэ кхэрэстыр. Радио патяибнытко чястэс кхарла антихристоса. Кокоро бэнг, хачита, ракирла дрэ трубка.

На дыкхи прэ адава религия выхохавэла бут ловэ патяибнытконэндыр. Выгиндло, со баро гав прэ религиозна свэнки тэ прэ рашандэ прокэрла пашыл тысэнцо састэ дро бэрш. Коли бы саро адава гав отпхэндяпэ религиятыр, то лэстэ сыс бы бари экономия. Дрэ пэрво бэрш могискирдо сыс бы тэ кэрэс дрэван баро, пхэнаса штала вашо ското. Дро второ бэрш — тэ кинэс 20—30 породистонэ телянтэн, дро трито тэ кэрэс школа и ад. дур. Нэ саро адава схала религия. Религия трашано вредителё дрэ гавитко хулаибэ. На зашуткирибэ, на градо, на хачкирибэна (пожары) на янэна адасаво фуипэ, сыр адава тихо ядовито ворого — религия.

Окэ акана могискирдо тэ пхэнэс прэ основно пучибэ: „чячэ ли со религиозность на оттырдэла бутитконэн соцыализмоскирэ кэрибнастыр? Ответо екх — на, на чячэ. Религия дрэван и дрэван на домэкэла бутитконэн тэ явэс активнонэса, сознательнонэса и тиминитконэса соцыалистическонэ стройкакирэ учястникоса. Религия на домэкэла бутярис тэ явэл лаче производственникоса. Религия на домэкэла колхозникос тэ явэл англатунэ марибнытконэса пало соцыалистическо гавитко хулаибэ. Религия кэрла насвалэнца бутитконэн.

А насвало николи на могискирла адякэ шукир тэ кэрэл буты сыр кэрла здорово мануш.

13. СО БАНГО ТЭ ЗАРИПИРЭЛ ПАТЯИБНЫТКО БУТИТКО

1. Джиибэ манушэнгиро стховэлапэ дро класово марибэ. Пока только, со дрэ Россия бутитка счюрдынэ эксплоататорэн. Бутитка сарэ зорья отдэна прэ соцыализмоскиро кэрибэн. Надомардэ эксплоататорэ сарэ зорья тховэна прэ зрискирибэ соцыалистическо стройка. Духовенство на могискирла тэ явэл дрэ страна адалэ марибнастыр.

2. Жыко революцыя кхангирья тэ монастыри пиро барвалыпэ сыс тэрдэ дро рядо помещщикэнца, капиталистэнца тэ кулакэнца.

3. Ангил тагаритко власть рашая тэ монахэ вернэс служындлэ помещщикэнгэ, капиталистэнгэ, кулакэнгэ тэ лэскирэ тагарискэ и саро времё активнэс мардэпэ революционнонэ бутяренгирэ тэ крестьянэнгирэ движэниёса.

4. Дрэ Октябрьско революцыякиро времё духовенство трушылэса тэ пулеметоса гыя прэ бутярендэ тэ крестьянэндэ.

5. Дрэ граждансконэ марибнаскирэ бэрша духо-

венство със прэ парнэнгири стро́на и мардяпэ бутяритконэ класоса тэ крестьянствоса.

6. Рашая тэ монахэ сарэ зорьенца марнапэ индустриализацыяса, колективизацыяса, культурнонэ революцыяса тэ сарэ мероприятияенца, савэ пролыджяла советско власть.

7. Ваврэстронытка капиталистэ саро времё готовинэна марибэ Советсконэ стро́наса. Кулаки тэ кхангиритка сы вернонэ союзникэнца вашэ ваврэстронытконэ интэрвентэнгэ — империалистэнгэ.

8. Сектантско религия адасави жэ отрава ваш бутитконэнгэ, сыр и рашаитко религия. Сектантска лыджяибнарья адякэ жэ соцыалистическонэ строительствоскирэ вороги сыр и о рашая.

9. На только рашая тэ сектантска лыджяибнарья, нэ и кокори бутитконэнгири религия янэла баро фуипэ соцыализмоскирэ рэндоскэ а кхэтанэ адалэса и кокорэ патяибнытконэскэ бутитконэскэ.

10. Кхангирья тэ сектантска мангипнытка, адава контрреволюционна гнёзды, пирдал кхангиритко сектантско прого бутитко попэрла дро ная кэ пэскирэ класова вороги.

11. Трэби тэ отпхэнэспэ на только э рашандыр и э сектантсконэ проповедендыр, нэ и кокорэ религиятыр, паладава, со религия на домэкэла соцыалистическо строительство.

12. Только отэнчя, коли вычюрдэса шэрэстыр религиозно дурмано, только отэнчя можно тэявэс сознательнонэса социализмоскирэ строителёса.

Редактор Токмаков И. П. Технический редактор Юзликеев З.
Сдано в производство 19/III-33 г. Подписано к печати 7/VI-33 г. ОГИЗ № 36
Блан. Формат бумаги 55×82¹/₁₆-4¹/₂ печ. листа. 27.500 тип. знак. в печат. л.
Уполн. Главлита В—51248. Заказ 355. Тираж 500 экз.

17-я фабр. нац. книги ОГИЗ'а РСФСР треста «Полиграфкнига»
Москва, Шлюзовая наб., д. № 10.

Тимин 35 гаспря
Цена 35 коп.

31677

3-32

И. О Г Р Ы З К О
КОМУ СЛУЖАТ ПОПЫ

Перевод О. ПАНКОВОЙ

НА ЦЫГАНСКОМ ЯЗЫКЕ

ОГИЗ — Государственное Антирелигиозное Издательство
Москва, центр, Сретенка, 10.

	Цыг.
1	3-32